

7-1243
7-61
1899K

معارف نظارت جلیله سنك فی ۱۳ ملیس سنہ ۱۴۱۲
ذر حمو و بکری و مرولی امر نامہ موجب بجهه طبع اوپنیدور

۲

۳

ԿԻՊՐԻԱՆՈՍ



40880-ահ

277-62

ԱՆ. ՀԱՅԱՍՏԱՆԻ



24814-6

243

Դ-61

ԳԻՐՔ

Ա. Ղ. Օ. Թ. Ի. Ց

ՈՐ ԿՈՉԻ

ԿԻՊՐԻԱՆՈՒ

ՎԱՍԵ

ԱՄԵՆԱՅՆ ԱԶԳ ՊԱՏԱՀԱՐԱՅ

ՈՐՔ ԳԱՆ

Ի ՎԵՐԱՅ ՄԱՐԴՈՅ

Ի ՏՊԱՐԱՆԻ ԱՌԱԲԵԼԱԿԱՆ Ս. ԱԹՈՒՈՅ

ՄՐԲՈՅ ՅԱԿՈՎՔԵԱՆՑ

ՅԵՐՈՒՍԱԼԵՄ

1899

1881

ՏՊԱԳՐԵԱԼ

Ի ՀԱՅՐԱՊԵՏՈՒԹԵԱՆ

Տ. Տ. ՄԿՐՏՉԻ Ա.
ՍՐԲՈԶՆԱԳՈՅՆ ԿԱԹՈՂԻԿՈՍԻ
ԱՄԵՆԱՅՆ ՀԱՅՈՑ

ՀՐԱՄԱՆԱԿ

ՊԱՏՐԻԱՐՔԻ ՍՐԲՈՅ ԵՐՈՒՍԱՂԵՄԻ

Տ. ՅԱՐՈՒԹԻՒՆ

ՍՐԲԱՁԱՆ ԱՐՔ ԵՊԻՍԿՈՊՈՍԻ

Կ


Ի ՊԱՏՐԻԱՐՔՈՒԹԵԱՆ Կ.ՊՈԼ.ՍՈՅ

Տ. ՄԱՂԱՔԻԱՅ

ՍՐԲԱՁԱՆ ԱՐՔ ԵՊԻՍԿՈՊՈՍԻ

ԱՌԱՋՈՒՈՒՅՑ

ՅԱՆՈՒՅՆԱՅ ՎԵՐԱԿՐՈՅ ԱՅԱ
Խ ԵՐԵՎԱՆ ԱՅԵՐՈՅ ՀԱՅԻ ԱՅ



Հայր, բող դոցա, զի ոչ զիտեն
զինչ գործեն :



ԱՂՈԹՔ ՊԻՏԱՆԻՔ

ԻԿՐԱԲԱՆՉԻՒԻՐ Ա.ՆՉԻՆ

ՀԱԽԱՏՈՑԵԼՈՅ Ի ՔՐԻՍՏՈՍ

Ա.ՐԱ.ՐԵ.Ա.Լ.

Սրբոյն Ներսիսի Շնորհարւոյ
Հայոց Կարողիկոսի :

ՀԱԻԱՏՈՎ ԽՈՍՄՈՎԱՆԻՄ
և երկիր պատանեմ քեզ՝ Հայր
և Որդի և սուրբ Հոգի, անեղ

և անմահ բնութիւն, արարիչ
հրեշտակաց և մարդկան և ա-
մենայն եղելը . եւ ողորմեա'
քո արարածոց և ինձ բազ-
մամեղիս :

Հաւատով խօստովանիմ, եւ
երկիր պագանեմ քեզ՝ ան-
բաժանելի լոյս, միասնական
սուրբ Երրորդութիւն և մի
Աստուածութիւն, արարիչ
լուսոյ և հալածիչ խաւարի,
հալածեա' ի հոգւս իմմէ ըզ-
խաւար մեղաց և անգիտու-
թեան, և լուսաւորեա' զմիտո
իմ 'ի ժամուս յայսմիկ աղօ-
թել քեզ 'ի հաճոյս, և ըն-
դունել 'ի քէն զիսնդրուածո

իմ: և ողորմեա' քո արարածոց
և ինձ բազմամեղիս:
Հայր երկնաւոր Աստուած
Ճշմարիտ՝ որ առաքեցեր զՈր-
դիտ քո սիրելի ՚ի ինդիր մո-
լորեալ ոչխարին, մեղսոյ յեր-
կինս և առաջի քո. ընկալ զիս
որպէս զանառակ որդին, եւ
զգեցո՛ ինձ զպատմուճանն
զառաջին՝ զսր մերկացայ մե-
զօք. և ողորմեա' քո արարածոց
և ինձ բազմամեղիս:

Որդի Աստուծոյ Աստուած
Ճշմարիտ՝ որ խոնարհեցար ՚ի
հայրական ծոցոյ, և առեր մար-
մին 'ի սրբոյ կուտէն Մարիամայ,
վասն մերս փրկութեան խա-

չեցար , թաղեցար և յարեար
 'ի մեռելսց , եւ համբարձար
 փառօք առ Հայր , մեղայ յեր-
 կինս և առաջի քո . յիշեալ զիս
 որպէս զաւազակն՝ յորժամ-
 գաս արքայութեամբ քով .

և ողոր :

Հոգի Աստուծոյ Աստուած
 Ճշմարիտ՝ որ իջեր 'ի Յորդանան
 և 'ի վերնաստունն , և լուսա-
 ւորեցեր զիս մկրտութեամբ
 սուրբ աւազանին , մեղայ յեր-
 կինս և առաջի քո . մաքրեալ զիս
 վերստին Աստուածային հրավ-
 քով՝ որպէս հրեղէն լեզուօք
 սուրբ զաւաբեալսն . և ողոր :
 Անեղ բնութիւն՝ մեղայ քեզ

մոտօք իմովք , հոգւով և մարմէ
 նով իմով . մի յիշեր զմեղս իմ
 զառաջինս վասն անուանդ
 քոյ սրբոյ . և ողոր :
 Տեսող ամենայնի՝ մեղայ քեզ
 խորհրդավով բանիւ և գործավ .
 Ծնջեալ զձեռագիր յանցանաց
 իմոց , և գրեալ զանուն իմ՝ 'ի
 գպրութեան կենաց . և ողոր :
 Քննող գաղտնեաց՝ մեղայ քեզ
 կամայ եւ ակամայ , գիտու-
 թեամբ և անգիտութեամբ .
 Թողութիւն շնորհեալ մեղա-
 ւորիս , զի 'ի ծննդենէ սուրբ
 Աւազանին մինչեւ ցայսօք մե-
 զուցեալ եմ առաջի Աստուա-
 ծութեանդ քոյ զգայարանօք

իմովք , և ամենայն անդամօք
մարմնոց . և ողոր :

Ամենախնամ Տէր՝ դիմ պահաւ
պան աշաց իմոց զերկիւղ քո
սուրբ՝ ոչ եւս հայիլ յարատ .
և ականջաց իմոց՝ ոչ ախորժել
լսել զբանս չարութեան , եւ
բերանոց իմոց՝ ոչ խօսիլ զօր-
տութիւն , և սրափ իմոց՝ ոչ
խորհիլ զչարութիւն . և ձեւ
ռաց իմոց՝ ոչ գործել զանի-
րաւութիւն . եւ ոտից իմոց՝
ոչ գնալ ՚ի ճանապարհս անօ-
րէնութեան . այլ ուղղեա ըգ-
շարժումն սոցա լինիլ միշտ
լստ պատուիրանաց քոց յա-
մենայնի . և ողոր :

Հուր կենդանի Փրիստոս՝ զհուր
սիրոց քոյ զոր արկեր յերկիր ,
բորբոքեա յանձն իմ , զի այ-
րեսցէ զախտ հոգւոց իմոց , և
սրբեսցէ զիսիղձ մտաց իմոց , և
մաքրեսցէ զմեզս մարմնոց իմոց ,
և վառեսցէ զլոյս գիտութեան
քոյ ՚ի սրտի իմում . և ողոր :



Իմաստութիւն Հօր Յիսուս՝

տուր ինձ իմնատութիւն ըդ
բարիս խորհիլ և խօսիլ և գոր-
ծել առաջի քո յամենայն ժամ։
՚ի չոր խորհրդոց, ՚ի բանից և
՚ի գործոց փրկեալ զիս. և ողոր։
կամեցող բարեաց Տէր կամա-
րար՝ մի թողուր զիս ՚ի կամս
անձին իմց գնալ. այլ առաջ-
նորդեալ ինձ լինիլ միշտ ըստ
կամաց քոց բարեսիրաց. և ու-
Աքքայ երկնաւոր՝ տուր ինձ
զարքայութիւն քո՝ զոր խոս-
տացար սիրելեաց քոց, և զօ-
րացն զսիրտ իմ ատել զմեզս,
և սիրել զքեզ միայն, և առ-
նել զկամս քո. և ողորմեալ քո աւ
րարածոց և ինձ բազմամեզիս.



Խնամող արարածոց՝ պահեա-
նշանաւ Խաչի քոց զհոգի եւ
զմարմին իմ ՚ի պատրանաց
մեղաց, ՚ի փորձութեանց դի-
ւաց, և ՚ի մարդոց անիրաւաց,
և յամենայն վտանգից հոգւոյ
և մարմնոյ. և ողոր։
Պահապան ամենայնի Քրիստոս՝
աջ քո հովանի լիցի ՚ի վերաց
իմ ՚ի տուել և ՚ի գիշերի, ՚ի
նստիլ ՚ի տան, ՚ի գնալ ՚ի Ճա-
նապարհ, ՚ի նուջել և ՚ի յառ-

նել, զի մի երբէք սասանեցայց . և ողօր :

Աստուած իմ՝ որ բանաս լզձեռն քո, և նուև զամենայն արարածս ողորմութեամբ քով, քեզ յանձն տռնեմ զանձն իմ. գու հոգա և պատրաստեալ զպէ տո հոգւոյ և մոյ մնոյ իմոյ յայսմհետէ մինչեւ յաւիտեան. և ողօր :

Դարձուցիչ մնլորելոց՝ դարձող զիս ՚ի չար ուլորութեանց իմոց ՚ի բարի ուլորութիւն. և բեւեռեալ ՚ի հոգի իմ զսոսկալի օր մահուն, եւ զերկիւղ գեհենին, և զսէր արքայութեանն, զի զզացայց ՚ի մե-

զաց և գործեցից զարդարութիւն. և ողօր :


Ազբիւր անմահութեան՝ աղը բերացո՛ի սրտէ իմմէ զարտասուս ապաշխարութեան որպէս պունկին, զի լուացից զմեզս անձին իմոյ յառաջքան զեւանելն իմ յաշխարհէս. և ողօր : Պարգեւիչ ողորմութեան՝ պարգեւեալին ուղափառ հաւատով և բարի գործով, և սուրբ մարմնոյ եւ արեան քոյ հաղորդութեամբ գալ առ քեզ. և ողօր :

Բարերար Տէր՝ հրեշտակի բարւոյ յանձն արասցես զիս քաղցրութեամբ աւանդել գհուգի

իմ, և անխռով անցուցանել
ընդ չարութիւն այսոցն՝ որք
են ՚ի ներքոյ Երկնից . և ողորչ
Լոյս Ճշմարիտ Փրիստոս՝ ար-
ժանաւորեալ զհոգի իմ ուրա-
խութեամբ աեսանել զլոյս
փառաց քոց ՚ի կոչման աւուրն,
եւ հանգչիլ յուսով բարեաց
յօթեւանս արդարոց՝ մինչեւ
յօր մեծի գալստեան քոյ . և ո:
Դատաւոր արդար՝ յորժամ
գաս փառօք Հօր՝ գատել ըզ-
կենդանիս և զմեռեալս , մի
մտաներ ՚ի գատամտան ընդ
ծառայի քում: այլ փրկեալ զիս
՚ի յաւիտենական հրոյն , եւ
լսելի արա՛ ինձ զերանաւէտ

կոչումն արդարոց յերկնից ար-
քայութիւնդ . և ողորչ
Ամենողորմ Տէր , ողորմեալ ա-
մենայն հաւատացելոց ՚ի քեզ,
իմոց և օսարաց , ծանօթից
և ոնձանօթից , կենդանեաց
և մեռելոց . շնորհեալ և թրշ-
նոմեաց իմոց եւ ատելեաց
զթովութիւն՝ որ առիս յան-
ցանացն . և դարձն զնոսա ՚ի
չարեացն՝ զոր ունին վասն իմ;
զի ողորմութեանդ քում ար-
ժանի եղիցին . և ողորչ
Փառաւորեալ Տէր , ընկալ զա-
ղաչանս ծառայիս քո , և կա-
տարեալ ՚ի բարի զինդրուածս
իմ բարեխօսութեամբ սրբ-

բուհւոյ Աստաւածածնին, և
Յովհաննու Մկրտչին, և սրբոյն
Ստեփաննոսի Նախավկային, և
սրբոյն Գրիգորի մերոյ Լուսա-
ւորչին, և սրբոյ Առաքելոց,
Մարգարէից, Վարդապետաց,
Մարտիրոսաց, Հայրապետաց,
Ճգնաւորաց, Կուսանաց, Մի-
անձանց, և ամենայն Արքոցքոց
Երկնաւորաց և Երկրաւորաց:
Եւ քեզ փառք և Երկրպագու-
թիւն անբաժանելի սուրբ
Երրորդութեանդ յաւիտեանս
յաւիտենից. ամէն:





Ա.Ղ.ՕԹ.Ք ՊՈՀՊԱՆՈՒԹԵԱՆ

Անսկիզբն Աստուած՝ անեղ
Աստուած՝ անիմանալի Աս-
տուած՝ անպարագրելի Աս-
տուած՝ անծին Աստուած՝ ամե-
նարբայ Աստուած՝ ամենարա-
րիչ Աստուած՝ ամենարփի Աս-
տուած՝ ամենագէտ Աստուած՝
ամենարտգ Աստուած՝ ամե-

նադատ Աստուած՝ ամենամեծ
Աստուած՝ ամենազբիւր Աս-
տուած՝ ամենարմատ Աստուած՝
ամենարձակ Աստուած՝ ամե-
նաայց Աստուած՝ ամենաայ-
ցելու Աստուած՝ ամենազդու
ամենազդիչ Աստուած՝ ամեն-
ասաց Աստուած՝ ամենարթուն
Աստուած՝ ամենաքաւ Աս-
տուած՝ ամենաաքարձրեալ Աս-
տուած՝ ամենաաքերկրեալ Աս-
տուած՝ ամենաաքաւական Աս-
տուած՝ ամենաաքարի Աստուած՝
ամենաաքոյժ Աստուած՝ ամե-
նաաքուժիչ Աստուած՝ ամենաա-
քուզին Աստուած՝ ամենաաքուզ
Աստուած՝ ամենաաքաշող Աս-

Աստուած՝ ամենագովլ Աստուած՝
 ամենագովլելի Աստուած՝ ամեն
 ագովլեալ Աստուած՝ ամենա
 գովթ Աստուած՝ ամենագովթած
 Աստուած՝ ամենագտիչ Աս
 տուած՝ ամենագանձ Աստուած՝
 ամենատգորովլ Աստուած՝ ամեն
 այար Աստուած՝ ամենագա
 տաւոր Աստուած՝ ամենագա
 ւանեալ Աստուած՝ ամենագիր
 Աստուած՝ ամենագարման Աս
 տուած՝ ամենագարմանիչ Աս
 տուած՝ ամենաեղերիչ Աս
 տուած՝ ամենաերբ Աստուած՝
 ամենազօր Աստուած՝ ամենա
 զօրեղ Աստուած՝ ամենազարդ
 Աստուած՝ ամենազարդարով

Աստուած՝ ամենազարդարիչ
 Աստուած՝ ամենազեղ Աս
 տուած՝ ամենափրկիչ Աստուած՝
 ամենաեն Աստուած՝ ամենա
 էակ Աստուած՝ ամենաերկինք
 Աստուած՝ ամենաստուրբ Աս
 տուած՝ ամենաողբրմ Աստուած՝
 ամենամեծ Աստուած՝ ամե
 նամաքուր Աստուած՝ ամենա
 ընտրող Աստուած՝ ամենաըն
 դունակ Աստուած՝ ամենաըն
 դունող Աստուած՝ ամենաըզ
 ձումն Աստուած՝ ամենաթագ
 Աստուած՝ ամենաթագաւոր
 Աստուած՝ ամենասմառնոց
 Աստուած՝ ամենաիշխան Աս
 տուած՝ ամենաիշխող Աստուած՝

տուած՝ ամենահասու Աստուած՝
ամենահասու Աստուած՝ ամենահաստատ Աստուած՝ ամենահաստատիչ Աստուած՝ ամենաձիր Աստուած՝ ամենաձեռն Աստուած՝ ամենաձեռնազեր Աստուած՝ ամենազերի Աստուած՝ ամենաքաղաքաբար Աստուած՝ ամենաքաղաքաբարի Աստուած՝ ամենամաքրիչ Աստուած՝ ամենամաքրիչի Աստուած՝ ամենամաքրդ Աստուած՝ ամենամաքրդի Աստուած՝ ամենայառջ Աստուած՝ ամենայառջի Աստուած՝ ամենայառջորդոր

Աստուած՝ ամենայորդորիչ Աստուած՝
ամենաշարժ Աստուած՝ ամենա-
շահ Աստուած՝ ամենաշահաւ-
շոր Աստուած՝ ամենաշէն Աս-
տուած՝ ամենառուղրդ Աս-
տուած՝ ամենասուզիլ Աստուած՝
ամենասուժել Աստուած՝ ամե-
նասուզգ Աստուած՝ ամենաշա-
փող Աստուած՝ ամենապատիւ
Աստուած՝ ամենապարգիւ Աս-
տուած՝ ամենասատիչ Աս-
տուած՝ ամենապարզ Աստուած՝
ամենասպարզիչ Աստուած՝ ա-
մենապահ Աստուած՝ ամենա-
պահով Աստուած՝ ամենապա-

բագրող Աստուած՝ ամենաշ
պայծառ Աստուած՝ ամենաշ
պարսյր Աստուած՝ ամենաջահ
Աստուած՝ ամենաջան Աս-
տուած՝ ամենաջամբ Աստուած՝
ամենատատ Աստուած՝ ամե-
նատացուցիչ Աստուած՝ ա-
մենասրբիչ Աստուած՝ ամե-
նասահման Աստուած՝ ամե-
նասահմանիչ Աստուած՝ ա-
մենասանձ Աստուած՝ ամենա-
սանձող Աստուած՝ ամենաս-
փիւռ Աստուած՝ ամենասուն
Աստուած՝ ամենավարժիչ Աս-
տուած՝ ամենավարիչ Աս-
տուած՝ ամենավարիչ Աս-

տուած՝ ամենատէր Աստուած՝
ամենասիրող Աստուած՝ ամե-
նատեղ Աստուած՝ ամենատու-
Աստուած՝ ամենատօն Աս-
տուած՝ ամենատես Աստուած՝
ամենատեսու Աստուած՝ ամե-
նաբուն Աստուած՝ ամենա-
բարի Աստուած՝ ամենացող
Աստուած՝ ամենացայտ Աս-
տուած՝ ամենացայտող Աս-
տուած՝ ամենացայդ Աստուած՝
ամենացնծութիւն Աստուած՝
ամենացանկ Աստուած՝ ամե-
նացանկալի Աստուած՝ ամե-
նափառք Աստուած՝ ամենա-
փայլ Աստուած՝ ամենափայլդ

Աստուած՝ ամենափայլեալ
Աստուած՝ ամենափայլիշ Աս-
տուած՝ ամենափոյթ Աստուած՝
ամենափրկող Աստուած՝ ամե-
նափրկիշ Աստուած՝ ամենա-
քաւ Աստուած՝ ամենաքաւիշ
Աստուած՝ ամենաքարոզ Աս-
տուած՝ ամենաքարոզիշ Աս-
տուած՝ անձառ Աստուած՝
անձառաբբայ Աստուած՝ ան-
ձառաբբայութիւն Աստուած՝
անձառագատութիւն Աս-
տուած՝ անձառաղբիւր Աս-
տուած՝ անձառարարիշ Աս-
տուած՝ անձառարարիշ Աս-
տուած՝ անձառապենիալ Աս-
տուած՝ անձառապիի Աստուած՝
անձառահաւոր Աստուած՝ ան-

Ճառախոր Աստուած՝ անձաւ
ռաբարի Աստուած՝ անձառաւ
բաց Աստուած՝ անձառաւ
բուզիս Աստուած՝ անձառաւ
գութ Աստուած՝ անձառազօր
Աստուած՝ անձառիմաստ Աս-
տուած՝ անձառազօր Աստուած՝
անձառածագ Աստուած՝ ան-
ձառագով Աստուած՝ անձառա-
զօրմ Աստուած՝ անձառա-
չափ Աստուած՝ անձառապա-
տիւ Աստուած՝ անձառալեհ
Աստուած՝ անձառափառք Աս-
տուած՝ անձառափայլ Աս-
տուած՝ անձառափայլ Աս-
տուած՝ անձառափայլ Աս-

անժամանակ Աստուած՝ անշը-
ռելի Աստուած՝ անխարդախ
Աստուած՝ անծայր Աստուած՝
անկետղ Աստուած՝ անհասա-
նելի Աստուած՝ անզողելի Աս-
տուած՝ անմեկնելի Աստուած՝
անյիշաշար Աստուած՝ աննինջ
Աստուած՝ անշարժ Աստուած՝
անխակալ Աստուած՝ անպատօ-
մելի Աստուած՝ անկոխելի Աս-
տուած՝ աննեղելի Աստուած՝
անօրինակ Աստուած՝
բարի Աստուած՝ բարեմիտ
Աստուած՝ բարի բնութիւն
Աստուած՝ բարեաց բարի Աս-
տուած՝ բարեգութ Աստուած՝
բարեբաշխ Աստուած՝ բարե-

բարոյ Աստուած՝ բարեխոր
հուրդ Աստուած՝ բարեաց
պարգեւող Աստուած՝ բարել
սէր Աստուած :
Գովեալ Աստուած՝ գերիվերոյ
Աստուած՝ գերազարդ Աս-
տուած՝ գոհաբանեալ Աս-
տուած՝ գերապանծ Աստուած՝
գեղեցիկ Աստուած՝ գերա-
գոյն Աստուած՝ գոյացուցիչ
Աստուած :
Դատաւոր Աստուած՝ դատա-
ւորաց դէտ Աստուած՝ դի-
տապետ Աստուած՝ դատաւո-
րիչ Աստուած՝ դաւանեալ
Աստուած՝ դասուց վերնոց
Աստուած՝ դեղինաց Աս-

տուած՝ դաստիարակող Աս-
տուած՝ դրախտ Աստուած :
Երրորդութիւն Աստուած՝ եր-
կինք Աստուած՝ երկնաւորաց
Աստուած՝ երկրաւորաց Աس-
տուած :
Զօրաւոր Աստուած՝ զօրեղ
Աստուած՝ զուարթնոց Աս-
տուած՝ զարդարող Աստուած՝
զարմանք Աստուած՝ զարմա-
նալի Աստուած՝ զարհուրե-
լի Աստուած՝ զարդարին Աس-
տուած :
Էրեակ և մի Աստուած՝ էրա-
նեալ Աստուած՝ էական Աս-
տուած՝ էացուցիչ Աստուած՝
էութիւն Աստուած :

Թագաւորաց Աստուած՝ թա-
 գեալ Աստուած՝ թողիչ մե-
 զաց Աստուած՝ թողելոց յա-
 րութիւն Աստուած՝ թշնա-
 մեաց սատակիչ Աստուած:
 Ժառանգութիւն Աստուած՝
 ժամանակեալ Աստուած՝ ժա-
 մանող Աստուած՝ ժամանա-
 կաց Աստուած:
 Ի սկզբանե Աստուած՝ ինք-
 նակամ Աստուած՝ ինքնագոյն
 Աստուած՝ ինքնակալ Աս-
 տուած՝ ինքնատար Աստուած՝
 ինքնակարող Աստուած՝ ինք-
 նիշխան Աստուած՝ իշխող Աս-
 տուած՝ իբարձունս Աստուած՝
 իմանալի Աստուած:

Լոյս Աստուած՝ լոյս անըրս-
 տուեր Աստուած՝ լոյս թափան-
 ցիկ Աստուած՝ լուսագգեստ
 Աստուած՝ լուսաւորիչ Աս-
 տուած՝ լուսամզարդ Աստուած՝
 լուսամտու Աստուած՝ լուսա-
 ճեմ Աստուած՝ լուղ Աստուած՝
 լութիւն Աստուած՝ լուցիչ
 Աստուած:
 Խոր անկրննին Աստուած՝ խա-
 զաղութիւն Աստուած՝ խա-
 զազարար Աստուած՝ խնամող
 Աստուած՝ խնամիչ Աստուած՝
 խրամիչ Աստուած՝ խանդա-
 գատաղ Աստուած՝ խորհուրդ
 Աստուած՝ խարհրդապետ Աս-
 տուած՝ խնդրուած Աստուած՝

խորհրդագէտ Աստուած՝ յարնդը
բող Աստուած՝ խոնարհ Աս-
տուած տուած :

Ծագումն Աստուած՝ ծնող Աս-
տուած՝ ծագող Աստուած՝ ծա-
րաւելոց Աստուած՝ ծանու-
ցեալ Աստուած՝ ծանուցիչ
Աստուած՝ ծառայից տէր Աս-
տուած՝ ծածկատես Աստուած՝
ծածկագէտ Աստուած՝ ծայր
Աստուած :

Կենդանի Աստուած՝ կենդա-
նարար Աստուած՝ կենդանա-
տու Աստուած՝ կենդանացո-
ցիչ Աստուած՝ կերակրող Աս-
տուած՝ կամարար Աստուած՝
կեանիք Աստուած՝ կամեցող

բարեաց Աստուած՝ կատա-
րեալ Աստուած՝ կառավարող
Աստուած՝ կուրաց լուսատու
Աստուած :

Հայր Աստուած՝ հօր որդի Աս-
տուած՝ հոգի տուրբ Աստուած՝
հաւատ Աստուած՝ համերց
լեզուատու Աստուած՝ հոգւոց
ազատիչ Աստուած՝ հրածորան
Աստուած՝ հրաւիրող Աստուած՝
հինտուրց Աստուած՝ հաւ-
րուստ Աստուած՝ հանուրց Աս-
տուած՝ հաւատարիմ Աս-
տուած :

Զայն Աստուած՝ ձայնող Աս-
տուած՝ ձեռնտու Աստուած՝
ձայնից լող Աստուած՝ ձիր Աս-

տուած՝ ձիրաբաշխ Աստուած:
 Ղեկավար Աստուած՝ ղեկա-
 պետ Աստուած՝ զամակար Աս-
 տուած:
 Ճշմարիտ Աստուած՝ Ճշմար-
 տութիւն Աստուած՝ Ճշմար-
 տամէր Աստուած՝ ճարապարա-
 պետ Աստուած՝ ճառագայթ
 Աստուած՝ ճառագայթեալ Աս-
 տուած՝ ճոխ Աստուած՝ ճա-
 շակ Աստուած՝ ճար Աստուած՝
 ճամնապարհ կենաց Աստուած՝
 ճամնապարհ բարեաց Աս-
 տուած՝ ճառ Աստուած՝ ճո-
 ռոմ Աստուած:
 Մեծարեալ Աստուած՝ մեծա-
 պատիւ Աստուած՝ մաքրիչ Աս-

տուած՝ մաքրութիւն Աս-
 տուած՝ մաքրող Աստուած՝
 մահու լուծանող Աստուած՝
 մեղաւորաց դարձ Աստուած:
 Յայտնութիւն Աստուած՝ յու-
 շիտեան Աստուած՝ յաւիտե-
 նից Աստուած՝ յարութիւն Աս-
 տուած՝ յուսացելոց Աստուած՝
 յուսադրող Աստուած՝ յարու-
 ցիչ Աստուած՝ յառաջ Աս-
 տուած:
 Անդելոց յայս Աստուած՝ նու-
 րահրաշ Աստուած՝ նաւապետ
 : ճբարի Աստուած:
 Շնորհ Աստուած՝ շնորհառու
 Աստուած՝ շուրջ Աստուած՝
 շնորջանակի Աստուած՝ շնոր-

Հող Աստուած՝ շնորհաբեր
 Աստուած՝ շաւիդ Աստուած։
 Թզորմած Աստուած՝ ողորմու-
 թիւն Աստուած՝ ուղիղ Աս-
 տուած՝ ուղղորդ Աստուած՝
 ուղղորդասէր Աստուած՝ ուղ-
 ղորդապետ Աստուած՝ ուղ-
 ղորդախօս Աստուած՝ ուղղոր-
 դաբան Աստուած։
 Զարատեաց Աստուած՝ չա-
 րասաստ Աստուած՝ չարա-
 մերմ Աստուած՝ չարաբարձ Աս-
 տուած՝ չարահերձ Աստուած՝
 չարացաղմ Աստուած։
 Պահապան Աստուած՝ պահ-
 պանիշ Աստուած՝ պետ Աս-
 տուած՝ պետական Աստուած՝

պատուելի Ամսուած՝ պարու-
 նակող Աստուած։
 Զահ Աստուած՝ չահալյս Աս-
 տուած՝ չահապայծառ Աս-
 տուած՝ չան Աստուած՝ չամ-
 բող Աստուած՝ չերմեռանդու-
 թիւն Աստուած։
 Որահ Աստուած՝ ռահ ըլյս Աս-
 տուած՝ ռատաբաշխ Աստուած՝
 ռատափայլ Աստուած՝ ռետին
 քաղցր Աստուած՝ ռահավարժ
 Աստուած։
 Առւրբ Աստուած՝ սրբութիւն
 Աստուած՝ սաբատօդ Աստուած՝
 սէր Աստուած՝ սիրելի Աս-
 տուած՝ սահմանադիր Աս-
 տուած՝ ստեղծող Աստուած՝

սրբոց Ա.ստուած՝ սոսկալի Ա.ս.
տուած :

Վեհ Ա.ստուած՝ վեհագոյն Ա.ս.
տուած՝ վայելչութիւն Ա.ս.
տուած՝ վերականցու Ա.ստուած՝
վարժիչ Ա.ստուած :

Տէր Ա.ստուած՝ տեսող Ա.ս.
տուած՝ տիւ Ա.ստուած՝ տր-
ւիչքարեաց Ա.ստուած՝ արբոր
մեցելոց Ա.ստուած :

Բաբուն Ա.ստուած՝ բաբունա-
պետ Ա.ստուած՝ բախարար
Ա.ստուած :

Ցնծութիւն Ա.ստուած՝ ցան-
կալի Ա.ստուած՝ ցաւոց բժիշկ
Ա.ստուած՝ ցողահոս Ա.ստուած:
Փառք Ա.ստուած՝ փառաւու-

րեալ Ա.ստուած՝ փառահեղ
Ա.ստուած՝ փառաբանեալ Ա.ս.
տուած՝ փրկիչ Ա.ստուած՝ փր-
կող Ա.ստուած՝ փարթամ Ա.ս.
տուած՝ փարատիչ ցաւոց Ա.ս.
տուած՝ փառազօր Ա.ստուած՝
փառք ՚ի բարձունս Ա.ստուած:
Փահանացապետ Ա.ստուած՝
քերովքեանիստ Ա.ստուած՝
քաւիչ Ա.ստուած՝ քաւու-
թիւն Ա.ստուած՝ քաւարան
Ա.ստուած՝ քարոզիչ Ա.ստուած՝
քննող Ա.ստուած:

Օրէնք Ա.ստուած՝ օրինադիր
Ա.ստուած՝ օրհնիչ Ա.ստուած՝
օրհնեալ Ա.ստուած՝ օրհնա-
բանեալ Ա.ստուած:



Հայոց լինեառանք մասը արձ
ա վճռապէս սրբնիր խամազ գո



Ահա զառն Աստուծոյ՝
որ բառնայ զմեղս աշխարհի :

Ա Ղ Օ Թ Ք

Վ ասն կապանաց գիւաց եւ կա-
խարդաց , աղանդաւորաց եւ վասն
գատաստանի յաջողելս :

Թագաւոր հզօր , ապաւէն
ծարաւելսց , փրկիչ նեղելոց ,
որ վասն մեր խոնարհեցար 'ի
հայրական ծոցոյ և առեր մար-
մին 'ի սրբոյ կուտէն Մարիա-
մայ վասն մերոյ փրկութեան ,
մատնեցար , ըմբռնեցար , չար-
չարեցար , խաչեցար և թա-
ղեցար և յարեար 'ի մեռելոց ,

Եւ համբարձար փառօք առ
Հայր . զարթո՞ն զզօրութիւնքո
Եւ եկ՝ ի կեցուցանել զգինս
արեան քս Տէ՛ր . և մի տար
գերիլ սատանայի զքո փըր-
կեալս Եւ մի տար բնակու-
թիւն չարին՝ զտաճար ա-
նուանդ քում սրբոյ . Եւ մի
զլքեալս քեզ մարմին և ան-
դամ թողուլ՝ ի կոխումն և՝ ի
կատականս չարին . այլ գթա՛
՚ի քո արարածս արարչական
սիրով . Տէ՛ր ողորմեա մեզ,
զե՝ ի Խաչ քո պարծելով պար-
ծեցաք , Եւ պահելով պա-
հեսցէ զմեզ յերեւելի Եւ
յաներեւոյթ թշնամւոյն . Եւ

լիցի պահապան ծառայիս Ա.ս-
տուծոյ . ամէն :

Չար իշխանքն հալածին,
Որք ընդ ծառայսքո մարտնչին,
Երեւելով նշան Խաչին,
Աներեւոյթք [կործանեսցին :



Զգոշ կացէք, մի ոք գիտասցէ: Եւ նորա ելեալ համբաւեցին զնա ընդ ամենայն երկրն ընդ այն: Եւ յելանելն նոցա արտաքս, ահա մատուցին առ նա այլ մի համբ գիւահար: Եւ յելանելն գիւին՝ խօսեցաւ համբն. և զարմացան ժողովութեքն եւ ասեն թէ և ոչ երբէք երեւեցաւ այսպիսի ինչ յիսրայէլի: իսկ փարիսեցիքն ասէին, թէ իշխանաւն գիւաց հանէ գաղեւս:

ՍՈՒՐԲ ԱԻԵՏԱՐԱՆՍ
ՈՐ ՀՍՏ ՄԱՏԹԷՈՍԻ

Եւ մինչդեռ անցանէր ընդ այն Յիսուս, զհետ եղեն նորա կոյրք երկու. աղաղակէին և ասէին. Ողորմեաց մեզ որդի Դաւթի: Եւ իբրեւ եկն ՚ի տուն, մատեան առ նա կոյրքն, և ասէ ցնոսա Յիսուս. Հաւատայք եթէ կարող եմ առնել ձեզ զայդ. ասեն ցնա՝ Այ՛, Տէր. Յայնժամ մերձեցաւ յաչ նոցա՝ և ասէ. Ըստ հաւատոց ձերոց եղիցի ձեզ: Եւ բացան աչք նոցա. և սաստեաց նոցա Յիսուս՝ և ասէ.

ՍՈՒՐԲ ԱՒԵՏԱՐԾՆՍ
ՈՐ ՀՍՏ ՄԱՐԿՈՍԻ

Եւ ել լուր նորա ընդ ա-
մենայն կողմն գալիքացւոց :
Եւ վաղվաղակի ելեալ՝ ի ժո-
ղվրդենէն, եկն՝ ի տուն Սի-
մոնի և Անդրեայ, Յակոբու
և Յովհաննու հանդերձ : Եւ
զօքանչ Սիմոնի դնէր ջերմա-
ցեալ, վաղվաղակի ասեն ցը-
նա վասն նորա : Եւ մատու-
ցեալ յարսց զնա, կալեալ
զձեռանէ նորա, եւ եթող
զնա տենդն եւ պաշտէր ըզ-
նոսա : Եւ իբրեւ երեկոյ ե-
ղեւ՝ ի մտանել արեգականն,

բերէին առ նա զամենայն հի-
ւանդս և զդիւահարս . և էր
ամենայն քաղաքն ժողովեալ
առ դրունան : Եւ բժշկեաց
բաղում հիւանդս ՚ի պէս պէս
ախտից և գեւս բաղումս ե-
հան, և ոչ տայր խօսիլ դի-
ւացն, զի գիտէին զնա թէ
Քրիստոսն է :



ՍՈՒՐԲ ԱԻԵՏԱՐԱՆԸ

ՈՐ ՀԱՏ ՀՈՒԿԱՍՈՒ

Եւ եղեւ ընդ առութան
ընդ այնոսիկ ել՚ի լեառն կալ
յաղօթս, և հանէր զգիշերն
՚ի գլուխ յաղօթսն Աստուծոյ:
Եւ իբրեւ այդ եղեւ՝ կոչեաց
զաշակերտան իւր, և ընտրեաց
՚ի նոցանէ երկոտասանս, զորս
եւ առաքեալս անուանեաց:
ԶՄԻՄԸՆ՝ զոր եւ Պետրոս ա-
նուանեաց, և զԱնդրէաս զեղ-
բայր նորին և զՅակոբոս և
զՅովհաննէս, եւ զՓիլիպպոս

և զԲարթուղիմէոս : Եւ ըզ-
Մատթէոս և զԹովմաս, եւ
զՅակովլեաս Ալփիեայ. և զՄիմօն
զկոչեցեալն նախանձայոց, և
զՅուդա Յակովլեայ, և զՅուդա
Խակարիավտացի՝ որ եղեւ խակ
մատնիչ: Եւ իջեալ նոքօք հան-
դերձ ՚ի տեղի մի տափարակ,
և ժողով աշակերտացն նորա
և բազմութիւն յոյժ ժողովըր-
դեանն, յամենայն Հրէաստա-
նէ և յԵրուսաղեմէ՝ և յայնմ
կողմանէ, եւ ՚ի ծովեզերէն
Տիւրոսի և Միդովնի, որք ե-
կին լսել ՚ի նմանէ, եւ բժըշ-
կիւ ՚ի հիւանդութենէ իւ-
րեանց . և նեղեալքն յայսոց

պղծոց բժշկեին : Եւ ամենայն
ժողովուրդն իսնդրէր մերձեւ
նալ 'ի նա , զի զօրութիւն
բազում ելանէր 'ի նմանէ և
բժշկէր զամենեսին :



ՍՈՒՐԲ ԱԻԵՏԱՐՈՆՍ

ՈՐ ՀՍՏ ՅՈՎՀԱՆՆՈՒ

Յետ այստիկ տօն էր Հը-
րէից , և ել Յիսուս յԵրու-
սաղէմ : Եւ էր յԵրուսաղէմ
'ի Պրապատիկէ աւազանին որ
կոչէր եբրայեցերէն բեթ-
հեղդաց , հինգ սրահ : Յորս
անկեալ գնէր բազմութիւն
յցի հիւանդաց , կուրաց ,
կազաց , գոսացելոց , որք ակն
ունէին ջրոցն յուզելոյ : Եւ
հրեշտակ ծեառն իջանէր ըստ
ժամանակի յաւազանն , եւ

յուղեր զջուրան . և որ նախ
ի շարժումն ջուրցն իջանէր
յաւազանն՝ բժշկէր , ոչ ու-
նելով նշան հիւանդութեան :
Եւ անդ էր այր մի , որոյ երե-
սուն և ութ ամ էր ՚ի հիւան-
դութեան իւրում :

Չնա իբրեւ ետես Յիսուս զի
անկեալ դնէր , և գիտաց ե-
թէ բազում ժամանակք են
այնուհետեւ , ասէ ցնա . կա-
միս ողջ լինիլ : Պատասխանի
ետ նմա հիւանդն . Տէր , ոչ զոք
ունիմ , թէ յորժամ ջուրքն
յուղեցին , արկցէ զիս յաւա-
զանն . և մինչ ես դանդաղիմ ,
այլ ոք քան զիս յառաջադայն

իջանէ : Ասէ ցնա Յիսուս . Արի
առ զմահիճս քո և գնա՛ : Եւ
ողջացաւ այրն , եւ յարեաւ ,
էառ զմահիճս իւր և շըջէր .
Եւ էր շաբաթ յաւուրն այն-
միկ :





Դ Ա. Բ Զ

ԿԻՊՐԻՍՆՈՍԻ ՀԱՅՐԱՊԵՏԻՆ

Ես կիպրիանոս ծառայ Աստուծոյ , յԱնտիոք քաղաքէ ,
ազգաւ Հելենացի , առն հեթանոսի որդի . անուն հօր իմոյ Եղեսիա , և մօր իմոյ կղութիա . յորժամ ծնայ ես յորսվայնէ մօր իմոյ , ծնողք իմ նուիրեցին զիս յուտումն դից՝ լինիլ պաշանեայ կուոց , եւ

ետուն զիս յուսումն գիտութեան , եւ զամենայն ուսայ զկախարդական գիրս առաւելքան զԱխմոն և զԵպովը , և եղէ հասու ամենայն հնարագիտութեանց . բազում անգամ ելանէի յօդս , և կախարդութեամբ գնայի ՚ի վերայ ծովու . և էին ՚ի հրամանս իմ ամենայն գունդք դիւտց . և զոր ինչ խորհէին առ ժամայն կատարէր : Ելանէի յապարանան , և առնէի զշաւիղս արեգականն և զլուննին յերեսս իմ , և երեսք իմ փայլէին իբրեւ զարեգակն , ես կատարէի զկամս դիւտց մե-

ծաւ ուրախութեամբ , և էի մոլորեալ ՚ի գործս չարութեան , և ոչ ձանաչէի զԱստուած , և զամենեսեան գայթակեցուցանէի յաղագսչար տրուեստին իմոյ . զոմանս աշացաւ առնէի , զոմանս գըլխացաւ , զոմանս քամոտ , զոմանս չերմնոտ , զոմանս հիւանդ , զոմանս յազգաց վարէի , զոմանց զգոյն յերեսացն շըչէի , զոմանց զմիտս մոլորեցուցանէի , զոմանս ատելիս առնէի իւրեանց ազգին , զայրեւ զկին արկանէի . ընդ միւմեանս , և տայինոցաւ ատել զմիմեանս , և զայլ բազում

չարիս դիւականս առնէի ՚ի
վերայ երկրի . և այնչափ հը-
մուտ եղէ դիւացն՝ զի ոչ մը-
նաց գործ եւ ոչ խորհուրդ
զոր ոչ գիտացի , գիտացի եւ
զբազմութիւն դիւաց , զի որ-
պէս չուր որ ելանէ յաղբե-
րաց՝ այնպէս ելանեն գեւք
և պատրեն և խաբեն զորդիս
մարդկան . զոր Տէր Աստուած
հեռացուսցէ ՚ի ծառայէս Աս-
տուծոյ :

Եւ կապէի կախարդութեամբ
իմով զերկինս՝ որ ոչ տայր
զանձրեւ . զերկիր՝ որ ոչ բու-
սուցանէր զերմանիս իւր .
զարեգակն և զաւսին և զաւ-

տեղս հաստատութեան . ըշ-
ծառս՝ որ ոչ տային պտուղս .
զծով՝ որ ոչ տայր զալիս իւր ,
զձկունս՝ որ ոչ լողային ՚ի
ծով . զգետս՝ որ ոչ գնային .
զաղբիւրս՝ որ ոչ բղիսէին .
զժոչունս՝ որ ոչ վերանային
յօդս . զանասունս՝ որ ոչ
յղանային , զյղիս՝ որ ոչ ծնա-
նէին . զկանայս՝ որ ոչ յղա-
նային . զեռունս՝ որ ոչ զե-
ռային . զվասպակաւորս՝ որ
ոչ վաստակէին . զվաճառա-
կանս՝ որ ոչ վաճառէին . զօ-
դըն , որ ոչ թնդայր . և կա-
պէի զերկինս օդօքն և զեր-
կիր ամենայն զեռնօք , որ ոչ

անցանէին ընդ հրամանս իմ։
Հազար հարիւր եօթանասուն
երկու աղանդք կանանց եւ
կախարդաց, եւ արանց ա-
ղանդաւորաց։ Արձակ երիւ-
տասարդ մի որոյ էր անուն
Ագղաւիդոս, ցանկացաւ գե-
ղեցիկ կուսի միում, որոյ անունն
էր Յուստիանէ, առնուլ զնա-
'ի կնութիւն և ոչ կարէր. և
առաքեաց բազում պատուա-
կան ինչս, ոսկի և արծաթ և
գեղեցիկ հանդերձս, և կցսն
ոչ հաւանեցաւ. եւ դարձոյց
անարդանօք. եւ առեալ ե-
րիտասարդն զամենայն ինչս
գնաց առ կիալրիանոս, և նա

ասէ. Ես դարձուցանեմ զնա-
'ի կամս քո. և առաքեաց զմի
'ի դիւացն առ Յուստիանէ,
և նա սուրբ աղօթիւքն հա-
լածեաց վնա. և ապա առա-
քեաց զդեւն պոռնկութեան,
եւ եղեալ դիւին 'ի կերպա-
րանս կնոջ պառաւոյ, և գր-
նացեալ 'ի դուռն սուրբ կու-
սին 'ի գիշերի եւ ասէ. Ո՛վ
դուստր իմ՝ զայս գիշեր ընդ-
քեզ կացից յաղօթս. և մի-
տեալ գեւն առ կոյսն և կային
յաղօթս զողջոյն գիշերն միա-
բան. և ապա ասէ սատանոյ.
Ո՛վ դուստր, 'ի կուսութենէ
ով իցէ վարձս ընկալեալ։ Եւ

Եթէ չէր ամուսնացեալ, ուստի էին նախահարք, մարդարէք, առաքեալք հայրապետք, եկեղեցիցուք առմեծն կիպրիանոս եւ ամուսնացիք, եւ ապա իմացեալ կումին եթէ գիւական էր բանն, եհան զնշան խաչին ՚ի վերայ մարմնայ իւրոյ, եւ կնքեաց զանձն, և դեւն հալածեցաւ և աներեւոյթ եղեւ ահիւ և գողութեամբ, եւ գնաց առ կիպրիանոս։ Եւ կիպրիանոս ասէ ցդեւն, զի՞նչ իցէ զի երկիւղիւ գողաս եւ սասանիս, ասէ դեւն։ Տեսի զնշան խաչն և երկիւղիւ գողում և աս-

ամիմ։ Ասէ կիպրիանոս, Զի՞նչ իցէ նշան խաչին, որ զարչ հուրեցուցանէ զքեզ։ Ասէ դեւն ցկիպրիանոս։ Երդուիք զի ոչ ուրանաս զմեզ, և ես ասեմ քեզ զամենայն խորչ հուրդս մեր և զնշան խաչին։ Եւ երդուաւ կիպրիանոս ՚ի սուտ և ՚ի սնոտի պաշտամունս նոցա՝ եթէ ոչ ուրանամ զձեզ։ Եւ ոկտաւ դեւն պատմել մի ըստ միունք զամենայն և ասէ։ Աստուած զմարդ որպար ՚ի հող, զԱդամ։ և ասէ։ Եկանք հրեշտակը եւ հրեշտակապետք, երկիրապագէք ձեռագործին իմում Ադամայ, այլ

դասք դիւաց հպարտացան և
ոչ խոնարհեցան Երկիրպա-
գանել Ադամայ . բարկացաւ
Աստուածութիւնն եւ զեր-
կինս պատառեաց և զդիւաց
գունդս 'ի վայր ելից , զանթիւ-
զօրս մեր . և շինեցաք ապա-
րանս և դժոխք անուանեցաք ,
և զհոգիս արդարոց և մեղա-
ւորաց մինչեւ ցՅովհաննէս
Մկրտիչ , զամենայն ըմբըռ-
նեցաք եւ 'ի դժոխք աճաք :
Յետոյ առաքեաց Աստուած
զՈրդին իւր Միածին՝ որ եկն
եւ ծնաւ 'ի սուրբ կուսէն
Մարիամայ Աստուածածնէն ,
զմեռեալս յարոց , զբորոստ

սրբեաց , զիաղս գնացցոց ,
զկոյրս լուսաւորեաց եւ զայլ
բազում սքանչելիս արար .
մատնեցաւ 'ի Յուդայէ և խա-
չեցաւ 'ի Հրէից և թաղեցաւ
եւ յարեաւ 'ի մեռելոց , եւ
Խաչիւն իւրով զդժոխս աւե-
րեաց և համբարձաւ առ Հայր
յերկինս , և գալոց է միւսան-
գամ դատել զկենդանիս եւ
զմեռեալս , եւ Խաչիւն իւ-
րով լուսաւորէ զամենայն ա-
րարածս : Հաւատացեալքն
ուրախ լինին եւ ուրացողք
կոծեսցին :



Այս է նշան Խաչին զոր տես
սանեմք եւ զարհութիմք եւ
սակամք . և ապա կիազրիանոս
Դմիտր իւր եկեալ ասէ . Եթէ
նշան Խաչին այդչոփ զօրու
թիւն ունիցի , ապա Խաչեալն
մրչափ եւս առաւել :

Ես հաւատամ ՚ի Քրիստոս ,
եւ ՚ի զօրութիւն Խաչին , եւ
յԱստուած Հայր ամենակալ՝

զի նա միայն է ճշմարիտ Աստուած, և կուռքն դեւք են և ստոտանայ: Եւ ապա այրեաց գամենայն գիրս կախարդութեան իւրայ, գնաց առ Եպիսկոպոսն քաղաքին, և մկրտեցաւ և ձեռնադրեցաւ քահանայ, և զինի աւուրց՝ Եպիսկոպոս: և զաղօթս արար և ասէ. Տէր Աստուած իմ, սիրեցի զքեզ և ծանեայ ՚ի ձեռն սուրբ Հայրապետին Մատթեոսի եւ Յուսուսիանեայ կուսին զզօրութիւն Խաչի քայ. ողորշած Աստուած, ողորմեաց ինձ որպես աւագակին: քաւեալիս որպես զջաքէս զջաքէսն: ար-

դարացմ՝ զիս որպէս զմաքսաւորն. հան զիս ՚ի գբոյ մեղաց՝
որպէս զԵրեմիա և զԴանիել
՚ի գբոյ բանափին. շիջմ՝ յինէն
զըռնութիւն թշնամւոյն՝ որ-
պէս զհուր երից մանկանց ՚ի
Բաբելովնի հողմաքեր ցռովն
օրհնութեան:

Եւ զոր յառաջն կապէի չար
և դիւական աղանդօք, այժմ
արձակեալ եմ զամենայն կա-
պեալսն հրամանաւն Աստու-
ծոյ. կացցեն երկինք և երկիր
՚ի հաստատութեան իւրեանց.
հող զբոյս դալար բուսուսցէ.
ծառք զպտուզս իւրեանց տա-
ցեն, և ամենայն կապեալքն

արձակումն առցեն յանուն
Ամենասուրբ Երրորդութեանն
Աստուծոյ:
Երդմնեցուցանեմ զքեզ, սա-
տանայ, անուամբն Աստուծոյ
Յիսուսի Քրիստոսի տեառն
մերց, և ՚ի հազար և մի ա-
նունն Աստուծոյ, որ զԱդամն
և զԵւա բարկացոյց, և զինն
դասս հրեշտակաց՝ որ ելանեն
եւ իջանեն յԱդրիպօլիս քա-
զաք, և յանուն սերովեէից՝
որ կան ՚ի սպասուորութիւն
Որդւոյն Աստուծոյ, և սքօղե-
լով ծածկեն զերեսս իւրեանց
եւ երգեն, Սուրբ, Սուրբ,
Սուրբ, Տէր զօրութեանց,

լիւեն երկինք և երկիր փաշ
մման վեցությունը ու գոք քուս
Երդ մնեցուցանեմ զձեղ դեւք
չաբք եւ որդիք աստանացի,
որ էք օգնական ամենայն կա-
խարդաց եւ չարագործաց։
Երդ մնեցուցանեմ զձեղ դեւք
՚ի գեղեցկութիւն Ադամնայ,
՚ի վայելչութիւն դրախտին,
՚ի խանարհութիւն ամենայն
սրբոց, եւ ՚ի սէր ամենայն
մարտիրոսաց, ՚ի պատարագն
Աքելի ՚ի կոչել զանուն Տեառն
Ենովլայ, յարդարութիւն
Նոյի, ՚ի քահանայութիւն
Մելքիսեդեկի, ՚ի հաւատու
և հիւրընկալութիւն Աքբա-

Համու , 'ի կապանսն Սահակոյ ,
կայ , 'ի պատրանս Յակովը ,
'ի գեղեցկութիւն Յովսեփայ
'ի համբարձումն Եղիսյի , 'ի
հնազանդութիւն Եղիսէի , 'ի
տախտակն Մովսիսի , 'ի պատ-
մուճանն Ահարոնին , որ զար-
դարեալն էր երկոտասան ա-
կամբը , որ օրինակ էին եր-
կոտասան Առաքելոցն Քրիս-
տոսի . 'ի քնարն եւ 'ի Սաղ-
մոսն Դաւթի , 'ի մատանին
Սողոմոնի , 'ի գաւազանն Մով-
սիսի , և յաղօթսն Ահարոնին,
յաւետիսն Գաբրիէլի զոր ետ
սուրբ կուսին Մարիամու . 'ի
ծնունդն եւ 'ի մկրտութիւնն

Յիսուսի Քրիստոսի որ մկրք
տեցաւ 'ի Յորդանան ՚ի Յով
Հաննէ , և 'ի սուրբ Հրամանսն
որ հրամայեցին անդամալոււ
ծին թէ՝ Արի , առ զմահիճու
քո , և 'ի թուքն որ եթաց զաշս
կուրին , և 'ի գալուստն յաւա
նակաւ յԵրուսաղէմ , 'ի յա
րութիւնն Ղազարու , 'ի մատ
նումն և 'ի խաչելութիւն Քրիս
տոսի , 'ի գեղարդն եւ 'ի բեւ
ւեռն Քրիստոսի , 'ի փշեղէն
պատկն և 'ի հեղումն արեան
Որդւոյն Աստուծոյ որ հեղու
'ի վերայ սուրբ Խաչին :
Երդմնեցուցանեմ և կապեմ
և հայածեմ զձեղ գեւք չարք ,

յարութեամբն և համբարձ
մամբն Քրիստոսի , և 'ի գա
լուստն Հոգւոյն սրբոյ , և այ
լակերպութեամբն Քրիստոսի ,
որ այլակերպեցաւ 'ի թափոր
լերինն . ոչ ունիք իշխանու-
թիւն գեւք եւ աղանդք եւ
կախարդութիւնք արանց և
կանանց մերձենալ 'ի ծառայս
Աստուծոյ :

Երդմնեցուցանեմ զձեղ 'ի
բանն անսպառ , 'ի լոյն ան-
ձառ , 'ի թագն անսպատում
որ հրեշտակացն զարհուրելի ,
'ի թագաւորն սոսկալի , 'ի մա-
տանին Սողոմովնի , 'ի կապանսն
պղնձիս , 'ի տախտակն Առվսի .

սի՝ գրեալ մատամբն Աստուծոյ , յաղօթոն Ահարովնի , ՚ի պատմուձանն ցանկալի , ՚ի սուրբն Ախոյ , ՚ի քառասոնորեայ պահս Մովսիսի , ՚ի սուրբ արիւն մանկանցն բեթեհեմի , յարդարութիւն Նոյի , ՚ի հաւատոս Ղովտայ , ՚ի կարգն Մելքիսեդեկի , յաւետիսն Գաբրիէլի , յաթուն չորեք կուսի՝ որոյ մի կողմն մարդոյ էր նման իմաստնոյ և բանաւորի , մին ՚ի կերպարանս էր առիւծու՝ որոյ տեսիլն հուրկիզելի , մին ահեղ և սքանչելի և զտեսիլ հրեղէն եղին ունէր , միւսն ունէր զիթեւ

արծւոյ ահաւոր տեսլեամբ քան զամենայն և զարմանալի , որոյ վերայ նստեալ բազմէր Տէրն և Աստուած ամենայնի . ուր այս անուանք սուրբք յիշեսցին , գիրք և հրամանք պատահին , չարն ՚ի բաց միշտ հալածի , կապանք եւ յուռութք լուծանին ՚ի ծառայից Աստուծոյ . ամէն :

Ցոյց մեզ Տէր զողորմութիւնս քո , եւ զփրկութիւնս քո տնուր մեզ :
Որպէս զի մեծ են գործք քո Տէր , եւ յոյժ խոր են խորհուրդքք քո :

զքեղ իբրեւ զնոյն ինքն ըզ
մարմնացեալն 'ի քէն . բարե-
խօսեա' վասն իմ առ բանն
Աստուած՝ զոր ծնար մարմնավ.
զոր կերակրեցեր , զկերակրիչն
ամենայն կենդանեաց :

Ազաշեա' վասն մեր զանգրա-
նիկդ քո : կաց կանգուն ա-
ռաջի նորա ցուցմամբ սուրբ
ստեանցդ : կացո՛ առաջի նորա
միջնորդ և բարեխօս զման-
կութիւն իւր . զկաթամբ որ-
նանիլն որպէս մանուկի . զու-
սովդ բառնիլն . զգրիօք գլ-
գուիլն . զշթամբք համբու-
րիլն . զողջագուրիլն որպէս
տղայ . զերթ և զեկն քո ընդ

Ա. Դ. Թ. Ք.
Երանելոյն Յուլիանուու Գառնեցւոյ
ասացեալ առ սուրբ Աստուածածինն :

Աստուածածին մայր Քրիս-
տոսի եւ ծնող միաձնի Հօր .
բարձող անիծից և պարծանք
ազգի մարդկան : Յերկնային
զօրացն երանեալ և հաղեղի-
նացս օրհնաբանեալ . միջնորդ
Աստուծոյ և մարդկան , հաշ-
տարար ընդ արարածս . թագ
և պատկ կուսից և համարձակ
բարեխօս վասն մեղաւորաց :
Մեղուցեալս ամենայնի ան-
կանիմ առաջի քո , և աղաչեմ

նմա , յԵգիպտոս և 'ի Նաղարէթ եւ յամենայն տեղիս . զորտմութեամբ տագնապիլն քո վասն նորա 'ի ժամ՝ չարչարանացն . զյանձնարարութիւն քո առ Յովհաննէս , յորժամ հեղուսեալ կայր վշտօք 'ի վերայ Խաչին . զդառն արտասուսն քո՝ զօր վտակօրէն հեղուիր յորժամ տեսանիիր զնա վտանգեալ 'ի վերայ Խաչին . վասն որոյ մատնատատան տառապէիր կոկծակոծ , վասն չարչարանացն . վասն սաստիկ ծարաւմանն . վասն ճաշակման լեզւն՝ քացախին . վասն տեսանելւցն զբրտնաստեսակ ա-

րեան իջումն . վասն իջուցանելցն 'ի Խաչէն արիւնազանգ մարմնովն . վասն դիազարդեալ գնելոյն 'ի սուրբ գերեզմանն :

Աղաչեմ զքեզ մայր լուսոյ . հայցեան զմուղութիւն մեղաւրիա : Դիմր աղերս առաջինորա զամենակիրս չարչարանաց իւրոց՝ զօր վասն իմ կրեաց Բարերարն և մարդասէրն : Յիշեցն սուրբ կոյս զայսքան չարչարանացն , զի թերեւս ողօրմեսցի եւ ներեսցէ բազմամեղիս , եւ չնչեսցէ զգեռագիր իմոց յանցանաց : Եւ իւրանիմեղ մատամբն եւ սուրբ

արեամբն դրօշմեսցէ զգեւ
ըեալս ՚ի դպրութիւն կենացն
անվախճանից ընդ ամենայն

սուրբս իւր:

Եւ քեզ երկրպագութիւն ՚ի
մեղուցեալ սգւոյս , ամենա
սուրբ կոյս , բարեխօս լեր ծա-
ռայիս Աստուծոյ . ամէն :



Երանելւոյն Յովհաննու Գառնեցւոյ
վասն Ճանապարհի :

Առաջնորդ կենաց , Ճանա-
պարհ Ճշմարտութեան տէր
մեր Յիսուս Քրիստոս : Որ ա-
ռաջնորդեցեր Յովսեփայ յե-
ղիպտոս , եւ իսրայելացւոց
ընդ ծովին կարմիր , և Մովսե-
սի ՚ի լեառն Սինէական , եւ
ժողովրդեանն յերկիր պար-
գեւացն , եւ կղէովլպասացն
Ճանապարհակից եղեր յեմ-
մաւուս :

Աղաչեմ զքեզ Տէր , առաջ-
նորդեա ինձ և եղեարց իմոց

գնալ խաղաղութեամբ զա-
ռաջիկայ ընթացս. փրկեայե-
րեւելի և յաներեւոյթ թըշ-
նամւոյն, և բարի առաջնոր-
դեա՞ի դէմեղեալ ի տեղին.
զի դուես ճանապարհ և ճըշ-
մարտութիւն եւ կեանք մեր
և քեզ փառք և երկրպագու-
թիւն այժմ և միշտ և յաւի-
տեանս յաւիտենից:



Վ. Ա. ՈՆ ԶԱՒԱԿ ԾՆԱՆԵԼՈՅ

Աստուած բոլորից, անձառ
մեծութիւն, հզօր զօրութիւն,
ամենակարող բարերարու-
թիւն: Առ քեզ հայի ամե-
նայն ակն տեսողի: Նայեաց
ի պաղատանս հառաչման
ձայնի քոյոց ծառայից եւ ա-
ղախնեաց. որպէս Աննայի
լուար հեծութեան, և ետուր
նմա զմեծն Սամուել. և Յո-
վակիմայ և Աննայի զամենօրհ-
նեալն Մարիամ. և Զաքարիա-
յի և Եղիսաբեթի պարգեւե-
ցեր զաւակ զսութք կարա-

պետն և զՄկրտիչն Յովհաննէս : Նյոն ողբրմութեամբդ քո
պարգեւեան և տուր սոցա զաւակ բարի ծառայիս Աստուծուծոյ . ամէն :

Չայն բարբառոյ յանապատի,
Ս. Յովհաննէս դու ամլորդի .
Անմեղ գառինն անարատի,
Վկայ եղեր դու կրկնակի :

Բարեխօսութեամբ սրբոց
մարգարեիցս Մովսիսի և Առաջարավնի , Նախանայ եւ Սամուէլի , Դաւթի , Ամովսայ , Միքիասայ , Աբդիասայ , Յովնանու Նաւում ընդ Ամբակումի , Սոփոնիայ և Անգեի , Մա-

ղաքիա ընդ Դանիէլի , Զաքարիա ընդ Եղեկինիլի , և ամենայն սրբոց դասու . պահապան լիցին ծառայիս Աստուծուծուծոյ . ամէն :



Հ Յ Ե

Ա Ղ Ե Ր Ս

Ա.Ո. ՍՈՒՐԲԻ ՍՏԵՓԱՆՈՍ
ՆԱԽԱՎԱԿԱՑՆ

Ի քէն հայցեմք արտասուագին.
Նախավկայ Տեառն արարչին.
Ս. Ստեփաննոս բացող Երկնին.
Տեսող զՅիսուս յաջմէ ծնողին.
Լե՛ր բարեխօս արեամբ քոյին.
Տալ մեզ հանգիստ 'իյանկողնին
Արթուն լինիլ յառաւօտին.
Բարեբանել զլոյսն անքննին :



Ա Ղ Օ Թ Ք

ԶՕՐԱԿՈՐ Ա.Ո. ԵՐԿԱՍՅԻՆ ԶՕՐԱ

Ա ն ե ղ ա ն մ ա հ ա ր ա ր շ ի ն ը ս-
պ ա ս ա ւ ո ր ք ա ն մ ա ր մ ի ն ք՝ վե-
րին զօրացն դ ա ս ա պ ե տ ու -
թ ի ւ ն ք : Ա թ ո ո ք , Փ ե ր ո վ ե ք
և Ս ե ր ո վ ե ք , Տ է ր ո ւ թ ի ւ ն ք ,
Զ օ ր ո ւ թ ի ւ ն ք ե ւ ի շ խ ա ն ո ւ -
թ ի ւ ն ք , Պ ե տ ո ւ թ ի ւ ն ք , Հ ր ե շ-
տ ա կ ա պ ե տ ք ե ւ Հ ր ե շ տ ա կ ք ,
Մ ի ք ա յ է լ և Գ ա բ բ ի է լ , Պ ե տ ք
վ ե ր ն ա կ ա ն զօրացն դ ա ս ո ւ ց .
ո ր ք ա ն լ ո ւ ե լ ի ձ ա յ ն ի ւ փ ա ռ ա-
բ ա ն ո ւ թ ի ւ ն մ ա տ ո ւ ց ա ն է ք Ա -
մ ե ն ս ս ո ւ ր ք Ե ր ր ո ր դ ո ւ թ ե ա ն ն ,

և երեքսրբեան ձայնիւ եղաւ
նակէք զերգս ասելով, Ողոր-
մեա՛ դու ստեղծեր մի կորու-
սաներ . զգործս ձեռաց քոց
մի անտես առներ . օգնական
և պահապան լերնւք ծառայիս
։ Աստուծոյ . ամէն :



Ա.Դ. ՍՈՒՐԲ ԶԻՆՍ.Ա.ԽՈՐԾ ՔՐԻՍՏՈՍԻ

Բարեխօսութեամբ սուրբ
զօրավարացն , սրբոն Սարգսի
զօրավարին եւ որդւոյ նորա
Մարտիրոսին , և սրբոն Թէո-
դորոսի զօրավարին . Գէոր-
գոյ զօրավարին և Մերկերիո-
սի զինաւորին . Անդրէի զօրա-
վարին , և չորից զինաւորացն
Բասոսի , Եւսեբի , Եւտիքի և
Բասիլիոդեայ . Սրբոն Մինա-
սայ , Երմոդինեայ և Գրաբոսի ,
և սրբոց Ուտովմեանց , Ոսկեանց
և Սուքիասանց , Խարիթեանց
և այլ ամենային սրբոց բարե-
խօսութեամբն պահեա՛ զծա-
ռայս քո . ամէն :

ԼԵԶՈՒԻ ԶԱՐԻ

Տէր Աստուած մարդասէր,
մարդասիրի Հօր որդի, գու ես
պահապան և օգնական՝ յու-
սացելոցս ՚ի քեզ ողորմու-
թեամբ քո ՚ի ծառայս, և պա-
հեա՛ անփորձ ՚ի չարէ և ան-
սայթաք յորոգայթէ երեւելիք
եւ աներեւոյթ թշնամւոյն .
պահեա՛ ՚ի չար աշաց և ՚ի չար
լեզուէ, ՚ի սրոյ և յամենայն
հարուածոց երեւելեաց եւ
աներեւութից պահեա՛ զծա-
ռայս քո . ամէն :

Աղաչեմ զքեզ Քրիստոս
փրկիչ աշխարհի . հայեա՛ յիս
և ողորմեա՛ և շնորհեա՛ նե-
րումն բաղում անօրէնութեան
իմց . քանզի անորդեցի՞զամե-
նայն բարիսն զոր արարեր ինձ
՚ի մանկութենէ իմմէ . զի ըզ-
տիմարս և անիմաստա արարեր
անօթ գիտութեան :

Յաճախեաց յիսշնորհքն քո,
և լոյց զքաղց իմ և զծարաւ
իմ զովացոյց, և լուսաւորեաց
զիսաւարեալ միտս իմ, և ժո-
ղովեաց ՚ի մոլորութենէ զիսոր-

հուրդս իմ և ելից ՚ի ծոց իմ.
վասն որոյ անկեալ երկիրազա-
գանեմ առաջի քո՝ խոսսո-
վան եղեալ զբարերարու-
թենէ քումմէ, եւ աղաչեմ,
դադարեցն առ իս զխստումն
շնորհի քոյ, և պահեա՛ զնա ՚ի
գանձի քում. զի դարձեալ
տացես ինձ զնա յաւուրն
յայնմիկ: Մի բարկանար ինձ
մարդասէր. զի ոչ հանդուր-
ժեմ սպառնալեաց քոց. յա-
զագս որոյ և աղաչեմ ժտե-
լով, զի առաւել քան զչափն
յաճախեաց յիս շնորհն քո.
վասն զի և լեզու իմ տկարա-
ցաւ ոչ կարելով խօսիլ ըդ-

նմանէ. հիացան և միտք իմ
ոչ բերելով զբազմութիւն ա-
լեաց նորա: Կերպարանք եւ
Ճառագայթ օրհնելոյ Հօրդ,
դադարեցն առ իս ՚ի հոսանաց
նորա. զի իբրեւ զհուր բոր-
բոքեալ բոցակիզեսցէ զերի-
կամունս իմ և զսիրտ իմ. և
անդր դարձեալ պարգեւեա՛
ինձ զնա և կեցն զիս յարքա-
յութեան քում. մի յիշեր
զանօրէնութիւնս իմ. յան-
դգնիմ և հայցեմ. տուր ինձ
զինդրուածս իմ, եւ արա՛
առ իս օթեվան օրհնեալ
հարբ քով յաւուր յայտնու-
թեանքոյ, շնորհեա՛ ինձ, Քրիս-



ՄԱՂԹԱՆՔ

Ա.Ռ. ՍՈՒՐԵԲ ԼԱՒՍԱԿՈՐԻՉՆ ՄԵՐ

Լուսաւորիչ հայր պարծա-
նաց, ընկալ զբանս զայս մաղ-
թանաց . և աղաջեա՛ զՀայրն
փառաց , ջնջել գդիք մեր
յանցանաց : Այլ և բարեխօ-
սութեամք երեք հարիւր ութ-
եւ տասն հայրապետացն եւ
ուղղափառ եպիսկոպոսացն .
աղօթիւք պահեա՛ տէր Աս-
տուած զծառայս քո . ամէն-



Ա. Հ Օ Թ Ք

ԱՌ ԴՐԱՆ ՍՈՒՐԲ ԵԿԵՂԵՑԻՈՅ
Ս ՅՈՎՀԱՆՆՈՒ ՈՍԿԵԲԵՐԱՆԻ

Տաճար Աստուծոյ և բնակա-
րան սուրբ Հոգւոյն, ՚ի քէն
սուրբ Աւագանսուն կոչեաց
յորդեգրութիւնն զօրն երկնա-
ւորի: Այսօր ՚ի քեզ կազմե-
ցաւ պատարագել գառն ա-
նարատ: Եւ ես դիմեալ եկի
առ դուրս քո. և աղաչեմ ըզ-
քեզ, մաքրեա՞ զիս վերատին
լուացմամք, և սրբեա՞ ՚ի մե-
ղաց և արա՞ արժանի մտանել
առաջի սրբոյ Սեղանոյդ յեր-
կըրպագութիւն:

Բ Ա Ն

Արբան Գրիգորի Նարեկացւոյն ընդ-
դիմամորտ դիւաց այս նուագ ազօ-
թից եւ դիւասաբառու Ձերմնատագ-
նապ ախտաւորութեանց Աստուծով
փարատիչ:

Արդ՝ այսքաննեաց անքա-
ւից հրաշեց հանդերձիչ Հայր
ամենաստեղծ: Անունդ ահա-
ւոր, ձայն սարսափելի, կո-
չումն ընտանի, բան համբու-
րելի, ազդումն սքանչելի,
հրաման սոսկալի, էութիւն
անքննելի, գոյութիւն անձա-
ռելի, իսկութիւն անբաւելի,
զօրութիւն անքննելի, կամք

ամենաբարի, տէրութիւն ան-
սահմանելի, մեծութիւն ան-
չափելի, բարձրութիւն ան-
բռլանդակելի, որբանութիւն
անկշռելի, առաւելութիւն
անհասանելի, պատճառ որդ-
ւոյ հայրութեամբ այլ ոչ նա-
խագրութեամբ :

Քեւ և՝ ի ձեռն քսյդ անպա-
րագիր զօրութեանդ սաստեա
տագնապող և դիւական տեն-
դիս ջերմութեան, զոր սպըր-
դեալ մուծաւ ընդ մեղաց, զի
փախիցէ ՚ի մարդոյս զարհու-
թեալ ՚ի սիրալի և յանբաւելի
արեանդ վոտկի գառինդ երկ-
նաւորի, որով սրոկեալ միան-

գամ՝ ՚ի մշանջենաւորս համայն-
մաքրեցաք : Եւ արդ՝ յոյս
պատկառելի խոնարհութենէ
արարչակերտոս խորհրդոյ՝ ա-
մաչեացէ տատանայ ՚ի գործո
չարեաց իւրոցն հրեշտակաց :
Տանջեացի և հալածեացի, հե-
ռացեալ եւ արտաքս առա-
քեալ ՚ի շնուրածոյ խորանէ
քումդ բնակութենէ յարտա-
քին խաւարն : Եւ ջնջեալ
մաքրեալ զարտասուս ողբոց ՚ի
դիմաց մերոց . և զհառաչումն
ձայնի հեծութեան ՚ի սրտից
մերոց : Եւ յիշատակաւ հար-
ման հեղուսից, քստմնափուշ,
տաժանատեսիլ ոգեալահան-

զից , որով պնդեցաւ Միածինդ
քո յաշտարակ Խաչին , ցա-
ւեսցի չարին : Եւ ՚ի կողահերձ
սայրաստոր սլաքէ ուժգին
բաղլսմանէ՝ որով զվերն մեծ
ընկալաւ , իսպառ սատակեօ-
ցի սկզբնարարն մահու : Եւ
զի խոնարհեցցց զգովեալն
գլուխ յաւանդելն զհոգին ՚ի
ծոց քո Բարձրեալ , ապստամ-
բութիւն անբարի բարուցն
բելիաբայ ՚ի կոր կործանեսցի
ամենայնիւ հերքեալ ՚ի կո-
րուստ : Եւ զի զօղեալ ծածկե-
ցաւ անմահն իսկութիւն յո-
րովայնի երկրի , այսու ամե-
նաբարձեալն հպարտութիւն

կարծեալ գոռողին ՚ի յատակս
մահու գժոխոց մթին ստուե-
րին յառեալ դիտեսցէ : Եւ
յիշեսցէ զառաջին հարուածն
անբժշկական , որով մահացու
դիմամարտութիւն թունից
վիշապին՝ կենարարն կրիւք
ամենազօրին : Վասն զի ՚ի
փառս քո Հայր ողորմութեան
իբր ՚ի գովեատ Որդւց քաջոդ-
ւովդ սրբով զայս խոստովա-
նիմք : Փանդի ոչ պիտակ ինչ
սոսկզօրութիւն ունի զմիւ-
սէն՝ առ մի խորհրդականն
խորութիւն : Այլ զանակիզբն
բանդ անցաւոր լնդ ժամա-
նակդ Հօր փառաւորեմք : Եւ

քեզ միայնոյ սուրբ Երրորդ
դութեանդ , հաւասարապատ
աիւ տէրութեանդ համա-
բռւն անբաժին ինքնութեանդ ,
օրհնաբանութիւն՝ գոհու-
թիւն՝ զօրութիւն՝ և անձառ
վայելցութիւն մեծութեան՝
բարեվիճակ հարթութեան՝
զուգակշիւ հաւասարութեան
յաւիտեանս , ամէն :



ՍՐԲՈՅՆ ԳՐԻԳՈՐԻ ՆԱՐԵԿԱՑԻՈՅՆ

ԶՈՐԱԿՈՐ ԸՆԴԴԻՄ ԱՄԵՆԱՅՆ

ԶԱՐԵԱՅ

Բան ՃԲ.

Ընկալ քաղցրութեամբ ,
տէր Աստուած Հզօր , զդառ
նացողիս զաղաչանս : Մատիք
գթութեամբ առ պատկա-
ռեալս դիմօք : Փարատեա ,
ամենապարգեւ , զամօթական
տիսրութիւնս : Բարձ յինէն ,
ողորմած , զանբերելի ծանրու-
թիւնս : Անջրպետեա , հա-
րաւոր , զմահացու կրթու-

թիւնս : Աւարեա́, միշտ յաղ-
թող, զխաբողին հաճութիւնս :
Բացադրեա́, վերնային , զմո-
լելսն մառախուղ : Կնքեա́,
կեցուցիչ, զկորուսչին ընթաց-
մունս : Ցրուեա́, ծածկատես ,
զըմբռնողին չար գտմունս :
Խորտակեա́, անքննին , զմար-
տողին գիմեցմունս : Տեառ-
նագրեա́ քո անուտմբդ զըւ-
սանցոյց երդ յարկիս : Պար-
փակեա́ քո ձեռամբդ զառաս-
տաղ տաճարիս : Գծագրեա́
քո արեամբդ զմուտ սեմոց
սենեկիս : Կերպացն զքո նը-
շանդ ՚ի հետո ելից մողթողիս:
Ամրացն քո աշովդ զհանգը-

տեանս խշտիս : Մաքրեսցես
՚ի յաղըից զծածկարան անկող
նոյս : Պահեսցես քո կամօքդ
զտառապեալ անձն ոգւոյս :
Անխարդախ արասցես զքո
շնորհեալ շունչ մարմնոյս :
Կացուսցես շըջափակ զպար
զօրուդ երկնայնոյ :
Կարգեսցես ՚ի դիմի ընդդէմ
դիւացն դասու : Տուր հան-
գիստ բերկրութեան , մահա-
հանդոյնս նիրհման ՚ի խորու-
թեան գիշերիս : Բարեխօսու-
թեամբ հայցուածոց սրբոյ
Աստուածածնիդ և ամենայն
ընտրելոց : Ամփոփեալ պա-
րուրեա́ զպատուհան տեսու-

թեանց, զգայարանացս իմաստից, անզարհութելի զետեղմամբ, ՚ի ծփական խռովութեանց, կենցաղական զբաղմանց, անըական երազոց, խօլականաց ցնորից: Յիշատակաւքոյ յուսացյդ անմնասելի պաշտպանեալ, և սմափեալ վերստին ՚ի ննջմանէ ծանրութեանց, ամենազգաստ արթնութեամբ, հոգենորոգ զըւարթութեամբ ՚ի քեզ արձանացեալ զայս ձայն մաղթանաց բուրմամբ հաւատոց, քեզ ամենօրհնեալ թագաւոր փառաց անձառից, փառաբանողաց երկնագումար

խմբից երգակցեալ՝ յերկինս առաքել: Զի դու փառաւութեալ ես յամենայն արարածոց յաւիտեանս յաւիտենից, ամէն:

Ա Հ Յ Թ Ք

ՍՐԲՈՅՆ ԳՐԻԳՈՐԻ ՆԱՐԵԿԱՑԻՈՅՆ
Բան ԽԱ.

Որդի Աստուծոյ կենդանւոյ, օրհնեալ յամենայնի հօրդ ահաւորի անքննին ծնունդ, որ տկարանայ առ ՚ի քէն և ոչ ինչ. որ ՚ի ծագել անստուեր

Նշուլից ողբրմսւթեանքոյ փառաց՝ հալին մեղք, հալածին դեւք, ջնջին յանցանք, խզին կապանք, խորտակին շվթայք, կենդանածնին մահացեալք, բժկին հարուածք, ողջանան վէրք, բառնին ապականութիւնք, տեղի տան տիսրութիւնք, նահանջին հեծութիւնք, փախնուր խաւարն, մեկնի մէգն, մերժի մառախուղն, փարատի մռայլն, ըսպառի աղջամուղն, վերանայ մութն, գնայ գիշերն, տարագրի տագնապն, չքանան չարիքն, հալածին յուսահատութիւնքն, եւ թագաւորէ

ձեռն քո ամենակալ, քաւիչդ ամենայնի: Որ ոչ եկիր կորուսանել զմարդկան ոգիս, այլ կեցուցանել: Թող ինձ զանթիւ չարիսն իմ բազում ողբրմութեամքդ, զի դու միայն ես յերկնի անձառ եւ յերկրի անզննին, 'ի տարր քոյի, և յեզերս ծագաց աշխարհի, սկիզբն ամենայնի և յամենայնի ամենայն լրմամք, օրհնեալ ՚ի բարձունս: Եւ քեզ ընդ Հօր եւ Հոգւոյդ սրբոյ փառք յաւիտեանս. ամէն:

Որում կրկնի ծունք երկրպաշտութեան ամենայն եղելոց ,
երկնաւորաց և երկրաւորաց
և սանդարամետականաց , որ
լսես զհեծութիւն կապելոց
և հայիս յաղօթս խոնարհաց
և ընդունիս զինդրուածո նոցա , Աստուած իմ և թագաւոր իմ , կեանք իմ և ապաւէն իմ , յոյս իմ և վատահութիւն իմ , Յիսուս Քրիստոս Աստուած գամենայնի , սուրբդ հանդուցեալ 'ի հոգիս սրբոց , միաթարութիւն վշտաց և քաւարան մեղուցելոց , որ գիտես զամենայն յառաջ քան զլինիլն նոցա . առաքեալ զպահպանո-

ՄՐԲՈՑՆ ԳՐԻԳՈՐԻ ՆԱՐԵԿԱՅԻՈՅՆ
Բան ՂԴ .

Աստուած յաւիտենական ,
բարերար եւ ամենակալ ,
ստեղծիչ լուսոց և յօրինիչ գիշերոց , կեանք 'ի մահու և լոյս
'ի խառարի , յոյս ակն ունուցաց և երկայնմտութիւն տարակուսելոց , որ ամենարուեստ իմաստութեամբ քո դարձուցանես յայգ զստուերս մահու , աննուազ ծագումն եւ անմուտ արեգակն . քանզի ոչ զօրէ ծածկել զփառս տէրութեան քոյ խառար գիշերոց :

ղական զօրութիւն աջա քոյ և
փրկեա՛ զիս յերկիւղէ գիշերի
և 'ի դիւէ չարէ : Որպէս զի
զյիշատակ տոսկալի և սուրբ
քո անուանդ միշտ համբու-
րեալ շրթամբք հոգւով ըղ-
ձութեան շնչոյ, կեցից պահ-
պանեալ ընդ այնոսիկ՝ որք
կարդան զքեզ 'ի բոլոր սրտէ :
Եւ 'ի գրոշմէ խաչի քոյոյ նը-
շանիդ, զոր աստուածային
արեամբ քո ներկեալ նորո-
գեցեր, և 'ի նոյն շնորհ որ-
դեգրութեան զմեզ մկրտե-
ցեր, և 'ի փառս պատկերի քոյ
նկարեալ յօրինեցեր այսու-
պարգեւօք աստուածականօք

ամաչեսցէ սատանայ, քակ-
տեսցին մեքենայքն, բարձցին
որոգայթքն, պարտեսցին մար-
տուցեալքն, պակասեսցին
զէնքն սայրասուրբ, մերժեսցի
մէգն, փարատեսցի խաւարն,
մեկնեսցի մառախուղն : Բա-
զուկ քո հովանասցի, և աջ քո
կնքեսցէ, վասն զի գթած ես
և ողորմած, և անուն քո կո-
չեցեալէ 'ի վերայ ծառայից
քոց : Եւ քեզ ընդ Հօր Հոգ-
ւովդ սրբով փառք և իշխա-
նութիւն յաւիտեանս յաւի-
տենից . ամէն :

Ա.ՀԵՐՍ

Ա.Ո. ՍՈՒՐԲԻ Ա.Ո.Ա.ՔԵԱԼՍՆ

Անմահ գառին հզօրի ,
Որ միշտ զենեալ եւ կենդանի ,
Երկոտասան գառանցդ խմբի ,
Զեղ այս աղերս մատուցանէի :

Սուրբ Պետրոսի եւ Անդրէի ,
Երկու եղբարց նախակոչի ,
Յակոբոսի , Յովհաննիսի ,
Զկնորս որդիքն Զեբեթի :

Փիլիպպոսի , Բարթոլիմէի ,
Թովմայի եւ Մատթէոսի ,
Յակոբ Ալփեայ Թադէոսի ,
Շմաւոնի , Մատաթէի :

Երկոտասան առաքելոց ,
Ի Քրիստոսէ պսակելոց :
Այս են բաղձանք սրտից մերոց
Փրկել զմեղ յայսոց պղծոց :
Եւ լիցի պահապան ծառայիս
Աստուծոյ . ամէն :



Պարծանք հաւատացելոց 'ի Քրիստոս
և գովեստ սուրբ Խաչին որ երեւեցաւ
յԵրուսաղէմ յաւսերս Կիւրղի հայ-
բապէտին . Մայիսի է :

|| Աան Քրիստոնէից յցս .
Խաչն կուրաց առաջնորդ .
Խաչն մնլորելոց դարձուցիչ .
Խաչն աղքատաց միսիթարսւ-
թիւն . Խաչն մեծատանց սանձ .
Խաչն ամբարտաւանից քակ-
տումն . Խաչն ախսյեան դիւաց .
Խաչն բանհամրկուին յաղթօւ .

Թիւն . Խաչն մանկանց դաստի-
արակ . Խաչն աղքատաց մե-
ծութիւն . Խաչն անյուսից
յոյս . Խաչն նաւավարաց նա-
ւապետ . Խաչն տագնապելոց
հանգիստ . Խաչն պատերազ-
մողաց պարիսպ . Խաչն հայր
որբոց . Խաչն վերակացու այ-
րեաց . Խաչն անիրաւաց դա-
տաւոր . Խաչն արդարոց խոր-
հրդակից . Խաչն նեղելոց հան-
գիստ . Խաչն տղացոց պահա-
պան . Խաչն արանց գլուխ .
Խաչն ծերոց կատարումն .
Խաչն խաւարելոց լոյս . Խաչն
թագաւորաց վայելութիւն .
Խաչն զէն յաւիտենական .

Խաչն բարբարոսաց ազատու-
թիւն . Խաչն անխրատից ի-
մաստութիւն . Խաչն անօրի-
նելոց օրէնք . Խաչն մարգա-
րէից քարոզ . Խաչն առաքելոց
պատմութիւն . Խաչն մարտի-
րոսաց պարծանք . Խաչն վա-
նականաց պահապան . Խաչն
կուսանաց զգաստութիւն .
Խաչն քահանայից ուրախու-
թիւն . Խաչն եկեղեցւոյ հիմն .
Խաչն տիեզերաց զգուշու-
թիւն . Խաչն մեհենից աւե-
րիչ . Խաչն բագնաց կործանիչ .
Խաչն ձենձերաց ապականիչ .
Խաչն Հրէից գայթակղութիւն .
Խաչն ամբարշտաց կորուստ .

Խաչն տկարաց զօրութիւն .
Խաչն հիւանդաց բժշկութիւն .
Խաչն բորստաց սրբիչ . Խաչն
անդամալուծից ուղղիչ . Խաչն
պագչոտաց բժշկութիւն . Խաչն
քաղցելոց հաց . Խաչն ծարաւե
լոց աղքիւր . Խաչն մերկաց վե
րարկու . Խաչն անբարբառ բա
րեխօս ծառայիս Աստուծոյ .

ամէն :



DEBERNY

Ա.ՆՈՒՄ.ՆՔ ՍՈՒՐԲ ՆՇԱՆԱՑՆ
ՈՐՔ ԵՆ ԲԱՐԵԽՈՍ ՎԱՍՆ ՄԵՐ

Բարեխօսութեամբ Աս-
տուածային սուրբ նշանին և
անբարբառ բարեխօսին Քրիս-
տոսի վասն ազգի մարդկան՝
սրբոց կենաց Խաչափայտին
Քրիստոսի . Աւազակին սուրբ
նշանին . Վարագայ սուրբ նը-
շանին . Երեւման սուրբ նշա-
նին . Հաղբատայ սուրբ նշա-
նին . Վանկոյ սուրբ նշանին .
Կողբայ սուրբ նշանին . Աղի-
նեայ սուրբ նշանին , Սերեխոյ
սուրբ նշանին . Մառառայ
սուրբ նշանին . Գանձասարայ

սուրբ նշանին : Եւ Քրիստոսի
սուրբ գեղարդին . Գետար-
գել սուրբ նշանին . Ապարա-
նից սուրբ նշանին . Կարմրակ
սուրբ նշանին . Սքանչելագործ
սուրբ նշանին . Ծիծռան սուրբ
նշանին . Աղթամարայ սուրբ
նշանին . Սանահնուռ սուրբ
նշանին . Կիպրոսի սուրբ նշա-
նին . Վարոսի սուրբ նշանին .
Կոստանդիանոսի սուրբ նշա-
նին և Տապանակի սուրբ նշ-
շանին . Վրաց Հոռոմոց սուրբ
նշանին . Կոստանդնուպոլսոց
սուրբ նշանին . Հապէշու և
Խապտոյ սուրբ նշանին . Հա-
ցունեաց սուրբ նշանին որ ՚ի

գալստեանն յառաջագոյն .
Գայլակլայ սուրբ նշանին . Հըն-
դուռ սուրբ նշանին . Կապնկայ
սուրբ նշանին . Պիզեռու սուրբ
նշանին . Հռիփսիմէի սուրբ
նշանին . Բոգուռ սուրբ նշանին .
Սարի սուրբ նշանին : Եւ այլ
ամենայն սուրբ նշանացն որք
ընդհանուր տիեզերս իցեն՝
առցին սուրբ և արժանաւոր
աղօթիւքն եւ անբարբառ
բարեխօսութեամբն ողորմեա՛
ծառայիս քո :



ՀԲԱՇԱԳՈՐԾՈՒԹԻՒՆ ՔԲԻՍՏՈՒ

ԶՈՐ Ա.ԲԱՐ

Եւ Քրիստոս բժշկեաց ՚ի ժո
ղովրդենէն բազմւմ հիւանդու .
լուսաւորեաց զկյուրս , Հալա-
ծեաց ՚ի մարդկանէ զդեւս ,
սրբեաց զբորստու , գնացոց
զանդամալոյծն՝ որ ՚ի բեթհեղո-
դայ անկեալ դնէր երեսուն
և ութ ամ , և յարոց ՚ի մե-
ռելոց զօքրեքօրեայ մեռեալն
եւ այլ անթիւ ոքանչելիս եւ
հրաշագործութիւնս արար :
Նշն ողօրմութեամբն իւրով
հեռի արասցէ ՚ի մէնջ զգըւ-
խացաւն , զաշաց ցաւն , զա-

կանջացաւն , զատամանց ցաւն ,
զօրտացաւն , զմիջոց ցաւն ,
զկշտացաւն , զիսիթն որովայ-
նի , զծնկացաւն , և յամենայն
ցեղ ցաւոց սղատեսցէ , եւ
օգնական և պահապան լոյի
ծառայիս Աստուծոց , ամէն :



(131)
Վերատին յաւելուած կրկին հեծու-
թեան նորին հոկողի առնայն աղերս
մաղթանաց բանի :

Ի ԽՈՐՈՅ ՍՐՏԻՅ ԽՈՍՔ

ԸՆԴ Ա.ՍՏՈՒԾՈՅ

Բառ ԶԴ.

Ա. Արքայ երկնաւոր, թա-
գաւոր բարձրեալ, Տէր բոլո-
րից, ամենից ակնկալութիւն,
ստեղծող տեսականաց, Հաս-
տիչ իմանալեաց, պատճառ
եղանութեանց, կազմիչ հան-
գերձելոց, տուիչ լուսոյ, ա-
ռիթ առաւօտու, պատրաս-
տիչ վաղորդայնի, Երեւեցու-
ցիչ Երեկորի, տարրիչ խա-
ւարի. արուեստաւոր բարե-

(133)

Հընար, իմաստութեան գոր-
ծօնեայ, քաւարան օրհնեալ,
հալիչ մեղանաց, հալածիչ ցաւ-
ւոց, քակոիչ դառնութեանց,
պահպանարան հանգստեան,
հնարք նիրհման, յարմարիչ
քնոյ, պարգեւիչ ննջման.
շնչյ յարակարգութիւն, ըգ-
գայնութեան տեւողութիւն.
ցրիչ ցնորից, յեղանակիչ
անրջոց, փոխարկութիւն զար-
հուրմանց, այլայլութիւն տրի-
րութեանց, խափանիչ խիթ-
մանց, ընդարձակիչ կարծեաց,
համագրութիւն ծփմանց, ա-
հագնութիւն խարդախմանց,
հարուածիչ դիւաց, փախու-

ցիչ ախտից , ընկղմիչ գայց
թակղութեանց :
Բ . Պաշտպանեան երկնաս
տեղծ ձեռամբդ , զօրացն
բարձրացեալ քո աջովիդ , ամ
փոփէան ամենակալդ թեւօք .
Տաճկեան Աստուածեան խնա
մօքդ , ամրացմ վերակացու
թեամբ վերնայնոցդ . շուր
ջանակի պարսպէան գումար
տակօքդ անմահից , 'ի յամե
նուստ պարփակեան կցորդու
թեամբ հրեշտակացդ , ուշ
նեան զընդդիմամարտն իմ զի
նուորութեամբ զուարթնոցդ ,
պատսպարեան զսասանեալ
Աստուածածնիդ մաղթանօք :

զբանակս անդրանկացդ բա
րեկարգեան ինձ պահապան
Բայց ընդ աչացս դիմաց եւ
զմտացս իմ տեսանելիս , ըդ
գաստ արան ընդ ոդւոցս եւ
զժանբաբեռն կրիցս դանդա
զութիւն , վերացմ Տէր 'ի ըզ
գայութեանցու զմածեալս յի
մարութիւն . բարձ , միայն բա
րեգործ , զպատրուտիխ թանձ
րութիւն : Ընդ սկզբան բեր
մանս լուսոյ՝ զողորմութիւն քո
ծագեան , ընդ ելից արեւուն
արդարութեան արեգակնդ 'ի
յանձկութիւն սրտիս մոցէ .
Ճառագայթ քո փառացդ՝ 'ի
յիմաստիցս խորհրդանոց ջա-

Հեսցիք խաչիդ տեառնագրութիւն ընդ շունչս և ընդ մարմինս համասփիւռ տարածեացիք: Յանձն առնեմ քեզ յաւուրս՝ զքո յարմարեալ տաշաւարս պահպանաւ ոգւցյս որ ՚ի սմին: Զի դու ես Աստուած անքննին, առ ամենեսին բաւական եւ յամենայնում բովանդակ, օրհնեալ յաւիտեանս. ամէն:



(81)
Ի ԽՈՐՈՅ ՄՐՏԻՑ ԽՈՍՔ.

ԸՆԴ ԱՍՏՈՒԾՈՅ

Բան ԶԹ.

Աստուած և Տէր, կեանք
և արարիչ, ողորման, գթան,
լոյս, երկայնամիտ, անոխակալ,
մարդասէր, ամենագութ,
պարգեւատու, փրկիչ, օրհնեալ,
գովեալ, բարեբանեալ:
Դարան ամրութեան, պատրս
պարան վստահութեան, առանց նենգութեան բարի, առանց խաւարի ճառագայթ,
քաւիչ մեղաց, ողջացուցիչ
վիրաց, անհասանելեաց հընարք, անմատչելեաց հպա-

ւոր , անկյունառաթեան Ելք ,
անուն քո խօստավանեալ Աս-
տուծոյ Որդի . և Հօր քոյ ընդ-
քեղ հզօրի , և ահաւորի , և
Հոգւոյդ ամենահիալի և ընդ-
քեղ երկրապատելոյ՝ փառք
և պաշտօն գոհաբանութեան
յաւիտեանս . ամէն :



Ա. Բարեբանեալ Աստուած
երկնաւոր, միայն արարիչ,
Տէր ամենակալ, մեծութիւն
ահեղ. գթութիւն օրհնաբաշ
նելի. սղորմութիւն խոստու-
վանելի. բարերարութիւն եր-
կրպագուելի. խնամմակալու-
թիւն պաշտելի. մարդասի-
րութիւն տօնելի. պահպա-
նութիւն խնեկելի. բարձրեալ
անքնինին. մերձաւոր կոմա-
րար. ապաւեն անկասիածե

լ . միսիթար սրտից . փարա-
տիչ վշոաց . ապաքինիչ ցա-
ւոց . սպառումն վհատու-
թեանց . բարձումն պարտեաց .
փոխարկիչ կարեաց . կարդա-
ւորիչ կրից . յարմարիչ բա-
նից . սանձարկու լեզուի . ըլր-
ջադրութիւն շնչոյ . կացու-
ցիչ հագագի . ամփոփիչ խոր-
հըրդոց . կրթարան կամաց .
արձանացուցիչ յուղմանց .
հանդարտութիւն մրրկաց .
խաղաղութիւն ծփանաց , որ
ունիս զթեւոց ամենընթաց
իշխանականիս , և իմաստու-
թեամբ նուաճեալ առ քեզ
դարձուցանես :

Բ . Գոհաբանեալ միշտ ե-
րախոռաւոր , որ հեզութեամբ
անհպարտութեան երկայնա-
մտեալ հանգչիս տենչանօք
անձառ հրաշեւք յանձինս
սրբոց : Թագաւոր էից համայ-
նից , ամենայնիւ ծանուցեալ
գթած . սկզբնահայր եւ նա-
խաշաւիդ սիրոյն ընթացից .
Ճանապարհ կենաց . որ ա-
ռաջնորդես քաղցրութեամբ
գիմելցոյ ՚ի լոյսդ վերին :
Զեռնկալու մեծ վստահու-
թեան , որ ոչ թողացուցանես
գայթակղելցոյ ՚ի վայր կոր-
ծանիլ . յուսոյ կերպարան ,
Ճշմարիտ առ հաւատչէիւ ա-

զազողաց մատանց յայտնի ե-
րեւեալ. ապաւինութիւն հան-
գրստեան, որ ոչ երբեք մատ-
նես վատնգի դատապարտու-
թեան : Աղատութիւն շնոր-
հածիր, որ տատ լիսակէօտ ա-
ռանց փոխատրութեան փրթ-
կանաց . առատութիւն ան-
նախանձելի, որ քսին փառա-
ւորութեամբ զանարդ նիւթ
հողայս ճոխացուցանես : Պայ-
ծառաթիւն անստուեր, որ
ճառագայթիւք ահեղքարձ-
րութեան պարածածկեալ ըդ-
թշրւառ՝ կրկին բարդաւաճ
առնես : Քաւիչ մեղանացքազ-
մաց, որ զհերքեալո՞ի փրթ-

կութենէ առաջնովն պայծա-
ռութեամբ նորոգել վերստին
վայելքացուցանես : Հնարաւոր
դիւրահաս առ ամենայն համ-
բաւ գերամբարձութիւն յա-
ւէտ յառաջեալ, ելք վատա-
հութեան առ խոստացելցն
վայելս . Երանութիւն անձ-
կալի, յոր գիենդանութիւն
չնոյս լքանելն է ախորժելի,
զի գքեզ գալից կենդանի :
Կամբ անփրիադրելի առ կ-
քաւութիւն գերւոյս զօրաւ-
ցեալ ամենազովելի, անսր-
իալելի գեղ կենաց, որ եւ
մեռելոց բնուին եղծելոց
առնես զսքանչելիս : Ամենաս-

տեղծ աներկբայելի , որ ըզ-
հուրբ կիզեալն , և զհողմով
հոսեալն , և զմանեօք գազա-
նաց ծախեալն , ՚ի քթթել
ական նովին հիւթականու-
թեամբ անպակաս յարուցա-
նես : Անհաւասար համարձա-
կութիւն , յորում Աստուած-
օրէն պարծանօք պարծին է
իրաւացի :

Գ . Հայեաց Տէր յերկնից
զուարթ քաղցրութեամբ յա-
մենակործան վտանգ նեղե-
լոյս , և արա անդորր հանգըս-
տական դիւրաւոր ՚ի բազմա-
տագնապս հեծութենէ : Եւ
զյարուցեալ գումարս սա-

տակչացն , եթէ սպառազէնք
այսական դժնեայ հնարաւո-
րութեան բուռն մարտակցաց
պատկանեալ զինուք , եթէ
մեղաց տգեղ եւ քո ատելի
կերպարանք , եթէ ցաւոց և
ախտից վատնիչ և կորստական
նշմարանք , մերթեսցե՞ս , հան-
ցե՞ս , հատցե՞ս , խափանեսցես
եւ հալածեսցես՝ հեռի սահ-
մանաւ իսպառ տարագրեալ
անդարձ որոշմամբ վերստին
կորստեանն . և կառուսցե՞ս ,
կացուսցես նպատակ կենաց
եւ ամուր մահարձան՝ զնշան
Խաչիդ ապաւինելոյս ՚ի քեզ
փրկութիւն : Եւ յայսմ ան-

պարտ և անպատիր և անվանելի արուեստից ահաւորիդ մեծութեան , լուծցին որուգայթքն գաղտնածածուկ սատանայականք . կապտեսցին մեքենայքն . վատնեսցին գայթակզութիւնքն . խայտառակեսցին հազբիցն գրութիւնք . յայտնեսցին երեւցթք որսոյն . գտցին նենգողին ծուղակ . վերասցին վարմին վերարկուք . սուշրեսցին որսմանցն բայսք . նզովեացին բըռնաւորին չարաբանութիւնք . կտրեսցի լար խաբէութեան ՚ի մահ որսողին . պարզեսցին պատրողին բանստրողին բանստրկութիւնք .

պակասեսցին զէնք զրալորտողին . անկցին սուսերք մահաբերին . սուզեսցին սադրաղին պատրաստութիւնք . սրձակեսցին տոռուունք տագնապողին : Այլայլեսցին սուսեկերպարանք . կեղծաւորին . սատակեսցին խրոխտականացն խիստ յարձակմունք . ցրուեսցին կցորդութիւնք կերչացն . բաժանեսցին աղինք աւաղակացն . քայքայեսցին բոյլք բարբարոսացն . քանդեսցին ամրոցք ապստամբողացն . արգելցին ամպրոպակք յանդգնելոցն . փարատեսցին փորձողին անձրեւք . հալեսցի և ցամա-

քեսցի եղեամն աղանդաւորին : Խորտակեսցի եղջիւր գոռողին . մանրեսցին ամբառնալիք դրոշեցն կերպարանաց . փշեսցին ամբարձաւաճութիւնք հպարտացելոցն . նահանջեսցին դիմեցմունք ձակատելոցն . քակտեսցին միաբանութիւնք զօրացն բելիարայ , թէ անմարմինք և եթէ մարմնաւորք , փախիցեն ընդ նոյն ձանապարհ ՚ի մի շաւզաց հետոց՝ յեօթն տարակոյս , ՚ի գուրնինձ փորեալ՝ ինքեանք ընկածեսցին . Յեղանակեսցին ձմերունք ձանձրացուցչն , հատցի

կապն կցորդութեան մշտաշան աւազակին , նողկասցի մտացս կայից՝ համբոր շողոքորթին . ընդ միջեալ մեկնեսցին նետաձգութիւնք նեղչին . կացցէ ՚ի սասանման նաւ խարզախողին . խլեսցին յարմատոց անտի ատամունք խածանողին :

Դ . Ա ասն փայտիդ օրհնութեան կենաց . յորում պրկեցար Աստուածդ անըմբընելի . յիշատակաւ բեւեռացդ , որով ՚ի գործի մահուն մածուցար արարիչտերինի եւ երկրի . արեամբդ տէրունականաւ , որով զվե-

շապն մեծ կարդիւ ածեալ
որսացար . լեզւոյն դառնուու-
թեամբ , զօր արքեալ՝ զդե-
ղատուութիւն կօրուաչին ար-
տաքս հեղեր . պատմաբանուու-
թեամբ ըղձական ճառիւք
կրիցն սարսափելուաց , որով
զլրբութիւն հակառակողին
ըմբերանեալ ամաչեցուցեր .
անուամբդ անհասականաւ ա-
մենայնիւ անթարդմանելոցդ ,
յորմէ գողան և գատապար-
ախն սակացեալ սաստիկ սար-
սափմամբ բնութիւնք ամե-
նայն երեւութից և աներե-
ւութից , եղիցին այս ամե-
նայն պարգեւք շնորհաց խառ-

տովանելոյս ՚ի պաշտպանու-
թիւն , ՚ի բժշկութիւն և ՚ի
քաւութիւն : Եւ մահաբեր
դառնաթոյն օձին , եւ որ ՚ի
նմա ազդեաց տիեզերադաւ-
չարութիւնն , ՚ի սատակումն
եղիցի նորին . նոյն ինքն ՚ի
կորուստ եւ յանբժշկական
հարուած տանջանացն՝ սովառ-
մատնեսցի , կապեսցի և ըմ-
բոնեսցի : Եղիցի սղորմու-
թիւն ստեղծողիդ ընդ իս ,
և շունչ ոգւոյս իմ ընդ քեզ
անբաժանօրէն կապաւ միա-
ցեալ ՚ի մի :

Եւ որ ոք ընթերցցի զայս
աղերս ձայնի մաղթանաց գուշ

ման՝ աղօթից հայցման՝ ծերոց
և տղայոց, կուսի և երիտա-
սարդի, և եթէ յաղախնեաց
ոք պաղատեսցի Աստուած-
ափրաբար, Հաւասարապէս
անաշառութեամբ ընկալցին
՚ի քէն մասն երանութեան.
պարտուց ազատութեան .
Հաստեալ վերստին յանարա-
տութիւն նորոգ մաքրու-
թեան. նկարեալ դարձեալ
դքսոց կերպարան անփոփո-
խելի: Ահա տիրապէս հնա-
րաւոր զօրեղ, անպատում,
անհաս, անիմանալի, տեսցես
աստանօր ՚ի հառաջանս կող-
կողանաց ոյսր հեծութեան,

որ ՚ի բոլորից չըթանց ընծա-
յեալ քեզ մատուցանի. վասն
Հօր քոյ երկնաւորի և բարե-
րարի, և Հոգւոյն սրբոց փա-
ռակցի և կենդանատուի. Աս-
տուածածնիդ բարեխօսու-
թեամբ, և ինոգրուածովք ա-
մենայն սրբոց: Զի դու ստեղ-
ծեր զամենայն . եւ ՚ի քէն
եղեն ամենայնք . եւ դու
տիրես ամենայնի . եւ քեզ
փառք յամենեցունց . միդ
յիսկութենէ անժամանակ Եր-
ւորդութեանդ, զուգակցա-
պէս փառաւորեալ յանքաւս,
և յաւիտենից յաւիտեանս .
ամեն:

ի ԽՈՐՈՅ ԱՐՏԻՅ ԽՈՍՔ
 մասի և ԸՆԴ ԱՍՏՈՒԾՈՅ
 Բան ԱԵՐ :

Ա. Արեգակն արդար, Ճա-
 ռագայթ օրհնեալ, լուսոյ
 կերպարան, փափագ անձկու-
 թեան, բարձրեալ անքննին,
 զօրեղ անպատում, բարւոյ
 բերկրութիւն, յուսոյ տեսու-
 թիւն, գովեալ երկնաւոր, թա-
 գաւոր փառաց, քրիատա ա-
 րարիչ, խոստովանեալ կեանք:
 Եւ արդ՝ զթերութիւն վրի-
 պանաց բազմասխալ ձայնի
 եղկելսյս՝ ամենազօրդ բանիւ
 լցեալ մատուցես յաղերս

հաճութեան Հօրքում բարձ-
 րելոյ : Որ վասն իմ ՚ի փորձ
 եկիր անիծից, կերպարանեալ
 զիմ նմանութիւն՝ ամենեւին
 կենաց օրհնութիւն, վերնոց
 եւ ներքնոց բարեխնամող
 տեսուշ համայնից : Զի թէ
 յանձն առեր մեռանիլ վասն
 իմ՝ Աստուած և Տէրդ բոլո-
 րեցուն, որչափ հաճեսցիս ա-
 ռաւել և այժմ վտանգաւորա
 կրից կարեկցիլ, ընդ իմ պար-
 տաւորիս միշտ աղօթելով
 աղգակցաւ մարմնոց առելոյ
 ՚ի մէնջ՝ առ համապատիւդ-
 քո Հայր :

Բ. Եւ վասն արեանդ պա-

տուականի միշտ մատուցելց
ի հաճութիւն կամաց առաք-
չիդ՝ բարձցին վտանգք մե-
ղուցեալ դատապարտելցոս .
թողցին պարտիքն . ապաքի-
նեսցի ամօթն . մոռասցին
պատկառանքն . բարեգոր-
ծեսցին դատակնիքն . սատա-
կեսցին որդունքն . վերասցի
լան , հանդարտեսցէ՝ կըր-
ճումն ատամանցն . սպառես-
ցին՝ ողբքն . հատցին արտա-
սուքն . մերժեսցի սուգն . հա-
լածեսցի խաւարն . վատնեսցի
հուրն սաստկութեան . հեր-
քեսցին տանջանարանքն բազ-
մօրինակք :

Գ . Եկեսցեն գթութիւնք
կամողիդ եւ պարգեւողիդ
կենաց ամենից . ծագեսցի
լցոտ . արագեսցէ փրկու-
թիւնդ . հասցէ օգնութիւնդ .
ժամանեսցէ այցելութիւնդ .
կանխեսցէ ցօղդ ողորմու-
թեան , յառաջեսցէ արբուսցէ
զանդաստանս պասքեալ՝ ան-
կեալ ոսկերացս թշուառու-
թեամբ ՚ի վիհն մահու . ծաղ-
կեցուսցէ պտղաբերեսցէ բա-
ժակդ երկնաւոր արեան կե-
նարարիդ՝ զերկիրս խնամեալ
աւուրն լուսոյ , որ անծախա-
պէս միշտ պատարագի յի-
շատակ կենաց փրկութեան

Հոգւոց ննջեցելոց : Զի ամեն
նայնիւ մահացեալ հոգիս
մարմնովս մեղաց՝ շնորհօք քո՝
գլութ , ՚ի քեզ զօրացեալ
քեւ նորոգեցաց , զատեալ
՚ի մեղաց անմահ կենդանու-
թեամբ ՚ի յարութեանն ար-
դարոց , Հօր քում օրհնեցեսը
Ընդ որում քեզ փառք , և
Հոգւոց որբոց բարեբանու-
թիւն՝ վայելական գոհու-
թեամբ , այժմ և միշտ և յա-
շիտեանս յաւիտենից . ամէն :



ԱՌ ԵՐԿԻՆԾ

Պահանամք զքէն , ով ա-
մենասուրբ . Երրորդութիւն ,
Հայր և Որդի և Հոգիդ սուրբ
որ ասացեր արասցուք մարդ
բատ պատկերի մերում , և ա-
ռեր հող յերկրէ , և փչմամք
օրհնեալ շնչոց քոց գոյացուցեր
զմարդն Աղամ , վասն որոց
օրհնեմք զմեծութիւնքո : Գո-
հանամք զքէն , Տէր , որ ըդ-
մարդն Աղամ զարդարեցեր
Եօթնարփեան շնորհօք և Եր-
կոտասան փառօք . վասն որոց
օրհնեմք զշնորհո քո : Գոհա-

նամք զբէն , Տէր , որ 'ի դր-
րախտն Եղեմ Եղեր զԱդամ
անձառելի անպատճելի , Եւ
հիահրաշ խնդութեամբ . վա-
սըն որս օրհնեմք զարաքչու-
թիւն քո : Գոհանամք զբէն ,
Տէր , որ յետ պատրելցն Ա-
դամայ՝ յԱրգեղացոս անուն
օձէն , և արտաքսելցն 'ի դր-
րախտէն , որով 'ի դժոխս գլ-
րաւեցաւ , ազատեցեր . վասն
որս օրհնեմք զիրկութիւն քո :
Գոհանամք զբէն Տէր , որ ա-
ռաքեցեր զանդրանիկն քո
զՄիածին բանն՝ որ վասն մե-
րս փրկութեան խաչեցաւ ,
թաղեցաւ , յարեաւ , համ-

բարձաւ . վասն որս օրհնեմք
զմեծ մարդասիրութիւն քո :
Գոհանամք զբէն , Տէր , որ
զսուրբ մարմին և զսուրբ ա-
րիւն նորա պարգեւեցեր մեզ
կերակուր հոգւոց և կենդա-
նացուցիչ . վասն որս օրհնեմք
զպարգեւս քո :
Գոհանամք զբէն , Տէր , որ
զմկրտութիւն ուսուցեր 'ի Յոր-
դանանէ , և կոչեցեր 'ի խա-
ւարէ 'ի լոյս : Եւ ետուր զոր-
դէգրութիւնն վերին . վասն
որս օրհնեմք զշնորհաբաշխու-
թիւն քո : Գոհանամք զբէն ,
Տէր , որ եօմն խորհուրդ ե-
կեղեցւց կազմեցաւ 'ի քոյնդ

շնորհէւ , եւ խոստովանու
թեամբ թողութիւն շնորհէւ
ցեր . վասն որոյ օրհնեմք զա
ռատապարգեւ գթութիւն
քո : Գոհանամք զքէն , Տէր ,
որ անձրեւ և ցող տաս երկ-
րի , և բուսանին հաց և հան-
դերձ եւ ամենայն մսեղեաց
կերակուր . վասն որոյ օրհ-
նեմք զբազմաբաշխ ալորմու
թիւն քո : Գոհանամք զքէն ,
Տէր , որ տաս յաջողութիւն
վաստակոց մերոց , եւ շնորհս
արուեստաւորաց . վասն որոյ
օրհնեմք զբազմաբուեաստես
չութիւն քո : Գոհանամք ըգ-
քէն , Տէր , որ միշտ քաղցրու

բութեամք հայիս յարարածս
քո , եւ օր ըստ օրէ շնորհեա
զբազմազեղ ողորմութիւն քո .
վասն որոյ օրհնեմք զանչափ
գթութիւն քո : Գոհանամք
զքէն , Տէր , որ մեղաւորաց և
զղացելոց թողութիւն շնոր-
հես , ներես , և ոչ եղծանես
վասն որոյ օրհնեմք զանցիշա-
չարութիւն քո : Գոհանամք
զքէն , Տէր , որ զեղանակս
տարւոյն՝ զամառն և զձմեռն ,
զաշունն եւ զգարունն արա-
րեր ըստ բնութեան մերում .
վասն որոյ օրհնեմք զարաքա-
գործութիւն քո : Գոհանամք
զքէն , Տէր , որ յայսմամի եւս

ապրեցուցեր զմեղ անվրդով, անմահ եւ անկասկած . վասն որոյ օրհնեմք զուշը բութիւն քո : Գոհանամք զբէն , Տէր , որ զմեղ ՚ի մտհուրաժամէ եւ յամենայն պատահարաց պահեցեր . վասն որոյ օրհնեմք զպահպանութիւն քո : Գոհանամք զբէն , Տէր , որ ՚ի հըրկիզութենէ , ՚ի հեղեղէ , ՚ի շարժմանէ , ՚ի կայծականց , ՚ի խորշակէ և ՚ի սատակմանէ ապրեցուցեր . վասն որոյ օրհնեմք զապաւինութիւն քո : Գոհանամք զբէն , Տէր , որ օրհնեցեր ՚ի լերինն ջիթենեաց զկաթովիկոսունս . ըու-

Պատրիարքունս եւ զԵպիակոպոսունս՝ որ Ճրագ և լոյս եւ զեն աշխարհի . վասն որոյ օրհնեմք զշնորհաբաշխութիւն քո : Գոհանամք զբէն , Տէր , որ ընձեռեցեր ադամեանս բընութեան քահանայութիւն՝ որ հրեշտակաց էր կարգ , յաղագս թողութեան յանցանաց մերոց . վասն որոյ օրհնեմք զփրկութիւն քո : Գոհանամք զբէն , Տէր , որ ըզսաբկաւագունս , զպաշտոնեայս՝ և զջահնկալս սահմանեցեր . վասն որոյ օրհնեմք զլուսաւորութիւն քո : Գոհանամք զբէն , Տէր , որ զբանա-

ւոր հօտ՝ զժողովուրդս քո ,
 ընկալեալ ունիս ՚ի ծոց քո , և
 որպէս զտապանն Նշեան ա
 զատես ՚ի հեղձմանէ մեղաց .
 վասն որս օրհնեմք զզարմա-
 նահրաշ գթութիւն քո : Գու-
 հանամք զքէն , Տէր , որ զմե-
 զուցեալ ժողովուրդն ոչ պատ-
 ժես ՚ի տան քում քաւարա-
 նի , այլ զգարձումն նկատես .
 վասն որս օրհնեմք զերկայ-
 նամտութիւն քո : Եւ վասն
 մեծի եւ բարձու ողորմու-
 թեան քո , խոնարհեցն , Տէր ,
 զունկն քո ՚ի ժամուս յայս-
 միկ . եւ տո՛ւր մեզ յերկնից
 ՚ի սրբութենէդ շնորհ , Տէր ,

ողորմութիւն , քաղցրութիւն ,
 կարողութիւն , մեղաց թո-
 ղութիւն , առատութիւն , մե-
 ծութիւն , աշխարհիս խաղա-
 ղութիւն , խնդութիւն , լու-
 սաւորութիւն , հաւատ , յոյս ,
 սէր , մաքրութիւն , առաքի-
 նութիւն , բարեաց լիութիւն ,
 հանդարտութիւն , անդոր-
 րութիւն , զօդնութիւն , հաշ-
 տութիւն և օրհնեալ արքա-
 յութիւն : Եւ քեզ ընդ Որդ-
 ւոյ , եւ ընդ սուրբ Հոգւոյդ
 վայելէ փառք և պատիւ յա-
 փիտեանս . ամէն :

ՎԵՐՋ

ՑԱՆԿ

	ԱՐԵՍ
Հաւատովլ խոստովլանիմ	7
Աղօթք պահպանութեան	22
Աղօթք վասն կապանաց դիւաց	49
Աւետարան ըստ Մատթէոսի	52
Եւ մինչդեռ անցանէր	52
Աւետարան ըստ Մարկոսի	54
Եւ ել լուր նորա	54
Աւետարան ըստ Ղուկասու	56
Եւ եղեւ ընդ աւուրսն	56
Աւետարան ըստ Յովհաննու	59
Յետ այսորիկ տօն էր	59
Դարձ կիսրիանոսի	65
Աղօթք Յովհաննու գառնեցաց առ ոռւրբ Աստուածածինն	84
Աղօթք Յովհաննու Գառնեցաց վասն Ճանապարհի	89

ԵՐԵՎ

Աղերս առ սուրբ Ստեփանոս	94
Աղօմք զօրաւոր առ երկնային զօրս	95
Աղօմք առ սուրբ ղենաւոս	
Գրիստոսի	97
Աղօմք վասն ական և լեզուի	98
Աղօմք Գրիգորի Լուսաւորչի	99
Մաղթանք առ սուրբ Լուսաւորիչն	
մեր	103
Աղօմք առ գրանն Ս. Եկեղեցւոյ	104
Բան Գրիգորի Նարեկացւոյ ընդ-	
գիմամարտ գիւաց	105
Մաղթանք Նարեկացւոյ ընդ-	
գէմ ամենայն շարեաց	111
Աղօմք Նարեկացւոյ Որդի	
Աստուծոյ կենդանւոյ	115
Աղօմք Նարեկացւոյ Առ-	
տուած յաւիտենական	118
Աղերս առ սուրբ Առաքեալն	122
Գրիլեստ առ սուրբ Խաչին	123
Անուանք առ սուրբ Նշանացն	127
Հրաշագործութիւն Գրիստոսի	150

ԵՐԵՎ

Բան Նարեկացւոյ Արքայ	
երկնաւոր	132
Բան Նարեկացւոյ Աստուած	
և Տէր	137
Բան Նարեկացւոյ Բարեբանեալ	
Աստուած երկնաւոր	139
Բան Նարեկացւոյ Արքակն	
արդար Ճաւագայթ	154
Գոհաբանութիւն առ երկնո	159

— 10 —



- 551 - առաջնային մաս
561 - պատմելով
571 - առաջնային մաս
781 - պատմելով : առաջնային մաս
951 - պատմելով առաջնային
այսքան մասը : մաս
181 - պարզութեան պաշտոն
081 - ամենդ առ ամենամասնութ

-+ օ լ ի ն ո -

111

Տ Ի Ռ Ա Խ Ա Վ Ա Տ Ա Բ

Տ Ի Ռ Ա Խ Ա Վ Ա Տ Ա Բ

Տ Ի Ռ Ա Խ Ա Վ Ա Տ Ա Բ

Տ Ի Ռ Ա Խ Ա Վ Ա Տ Ա Բ

ԱՐԺ

ՀՀ

ՀՀ

0015000

2013

2001

«Ազգային գրադարան»



NL0015000

